



今詩所見集選

凡

19  
191  
4

早稻田大學圖書館  
號 259 第  
冊 14 第







今詩所見集選 卷七

古歛黃承增心盦甫輯

曾 煥

賓谷江西南城人邗上題襟集

汪庸夫曰先生早入詞館游更華省出長外臺  
 於時冠蓋交馳羽書狎至先生精力絕人五官  
 並用且接賓客畫理簡牘夕誦文史部分如流  
 觴詠多暇綽乎神仙中人也  
 吳穀人曰余讀題襟詩而歎其有風人之古  
 歡極藝苑之奇致焉王儉之府幕旣張蓮馬融  
 之堂帳還設絳絲竹順耳烟毫貢心壓駢麗於  
 西崑陋唱酌於南嶽纏綿引其春緒磊砢表其  
 冬心於以遂百昌於以消積沴詠歌所被政事  
 斯成笙磬同音如聽九韶之奏圭璧齊度有合  
 黃鍾之宮彬彬乎質有其文豈不盛哉  
 吳山尊曰公轉運邗上清望旣符離政以理簿

書克勤嘯歌無廢賓客之盛不減聚星之堂湖  
海之士並有登龍之願公博採羣雅兼綜專門  
仲宣之少已賞於中郎賈島之瘦罔棄於吏部  
於是雕鏤山水畫續蟲魚論詩論史之識知古  
知今之才聽斷之暇並用五官薈萃之奇如出  
一手師曠司樂則羣工鮮不諧之節荀勗典音  
則太古有不墜之旨今之作者舍公奚從  
儲山詩話廣陵勝地四方名宿來游者趾錯稱  
詩先生以清剛颯舉之才別樹一幟燕游贈答  
冠冕羣賢即謂坡門酬唱主勝於客亦鳥不可  
茲就題襟集選傳什一倘全集梓行直當前儷  
山谷老人近抗清容居士誠齋諸公瞠乎後已  
次韻答夢樓前輩暮秋寄懷效韋蘇州二首  
日落江城寒雁歸楚天暮我心與明月挂向京口  
樹京口一水閒挈舟幾時渡小別亦已長前遊遂

成故言念忘年交與俗異馳驚相知絃外音眾耳  
未能喻貽我蒹葭詩兩情共洄溯

先生超悟人宦途早廻轍焦先露處處林壑自幽  
潔我入襄城迷煙雲善變滅又如弈棋手一局慮  
難結先生我導師敢以鈍根謁照我以燭炬沃我  
以冰雪詎惟文字禪秀艷許同擷不愁爾室遐所  
惜仙凡別習靜今何如白雲護岩穴遙知世外心  
朗朗抱秋月

儲山詩話夢樓先生原作云炎曦方握手倏忽  
秋已暮綠陰變黃葉丹楓替紅樹眷言素心交

翹首白雲渡。令名欽自昔。燕好新成故。端居思  
往事。幻化速如鷺。結契關神。明語言非。可喻。滔  
滔江水。水深。臨風一。馳。溯自余。卧菰蘆。門稀冠益  
轍。良由知音難。匪關慕高潔。人生秉微尚。貧賤  
難磨滅。若無針芥投。安能膠漆結。都運本熱官。  
門前盛干謁。竭來轉清寒。衙齋餐白雪。唯我崎  
崑人。幽芳共相擷。謂當常因。依誰念成。久別涼  
秋。落葉聲清。夜墮窻穴。還將一寸心。耿耿寄明  
月。力均工埒。何減松陵。

題蓮隱圖送樂蓮裳歸里

昔見蓮裳詩。天然去雕飾。今識蓮裳性。飛塵污不  
得。蓮裳有前身。前身謫仙人。朝霞作文采。秋水為  
精神。何處秋水涯。汝川君子家。芙蓉爛初日。都化

筆頭花。賦以騷人詞。號之遠公社。此中修淨業。豈  
屑風塵下。君心奈何苦。年年因風塵。時多愛牡丹。  
未識清淨因。閒卻汝川花。相憐復相憶。夢花樓下  
水。今更深幾尺。勸君早歸去。蓮花待君開。我若能  
解官。花漁相往來。

賓谷自註。蓮裳所居有  
夢花樓。有花漁小印。

袁簡齋前輩贈所藏文信國公綠端蟬腹硯

賦謝四十四韻

先生去年來。蓮葉手親摘。灑我筆端露。田田翠欲

滴感同袁史公。蟬硯贈庾翼先生。今復見。謂此非  
難得。藏有古忠肝。千年不磨防。爲子鄉先賢遺物。  
子當惜。捧函亟拜嘉。開函慘寒色。洮河玉一片。三  
寸方以直。乃是趙家土。黧淡天水碧。旁有謝翱銘。  
此硯屬信國。文山旣攀髯。疊山孤作客。獲此於臨  
安。兩忠合精魄。曾記幕府中。參軍門象奔。嘗譜信  
公譜。石君時在側。公今作萇宏。碧血凝此石。冷映  
冬青樹。西臺慟何極。疊山旋盡忠。石君渺蹤跡。前  
年臨平湖。漁者忽網獲。得無兩公死。石君亦自溺。

有若齊田橫。蹈海人五百。蛟龍不敢侵。終古完趙  
璧。石面微作凹。石腹鑿且碩。兩翼常分張。象蟬有  
高格。吁嗟如信公。螳螂捕若迫。南冠已除貂。元鬢  
自蕭瑟。聽琴蔡邕心。在獄駱丞什。無枝可任飛。有  
粟焉肯食。指南一錄在。悲憤灑遺墨。所由晞髮子。  
睹物歎疇昔。公譜象戲圖。其勢凡四十。始玉曆金  
鼎。終單騎見賊。局必辯竒正。機必審虛實。同時周  
與劉。往往戰則克。一旅宋不興。空坑竟被執。繫豈  
戰之罪。天意蓋難逆。玉曆旣不歸。單騎空論敵。斯

圖遂成識。公事一生畢。痛哭朱烏魂。硯當如意擊。  
聞公玉帶生。張憲有稱述。近者朱翰林。長歌重歎  
息。乾坤留清氣。復此羽化質。此硯入隨園。遭逢亦  
詩伯。如何猥相貺。無以稱嘉德。恍對文山峰。嵐光  
落几席。

賓谷自註。簡齋前輩。去歲製蓮葉硯。見贈。信公嘗造象戲。臯羽所謂譜玉。竟金鼎一局。是也。周謂子善。劉謂淵伯。玉曆文公所居山名。文山筆峰在廬陵。楮山詩話。硯修廣各三寸餘。受墨處微凹。底圓而凸。象蟬腹。沿左邊至頂。刻謝臯羽銘。其文云。文山攀髯之明年。疊山流寓臨安。得遺硯焉。憶當日與文山象戲。譜玉。竟金鼎一局。石君同在。

座右銘曰。洮河石。碧於血。千年不死。莫宏骨。款識。臯羽二字。行書極瘦逸。簡齋貯以檀匣。而識其原委。於匣蓋云。乾隆丁未十二月。杭州臨平漁父。網得此硯。於鼎湖王仲瞿居士舟過相值。知爲文文山故物。以番錢廿圓得之。轉以見贈。余仿竹垞詠玉帶生故事。爲作匣。兼招詩流。各賦一章。甲寅六月望日。袁枚記於小倉山房。時年七十有九。

真州與客泛西溪作

錢唐昔遊處。烟水入夢想。展圖愧沙鷗。舊盟至今爽。客言子母病。勝地故有兩。未能卜閒居。且可契幽賞。路出城子山。秋晴仙人掌。村落到水斷。禪扉向江敞。竹中曠孤亭。階下倚雙槳。遙翠支港通。涼

風晚潮上。鳧鷖共優游。雲樹極莽蒼。一波更一折。  
杳莫窮所往。寂寂兩岸間。惟聞草蟲響。居人定何  
在。踈柳挂魚網。客言過橫橋。胥浦故楚壤。子胥此  
渡江。吳國遂雄長。考蹟雖然疑。聞風已慨慷。英豪  
急功名。心力總虛枉。至竟蘆中人。何如江上丈。廻  
船就深竹。有酒酌盈盎。啣杯對江山。胸次聊得廣。  
吳白菴鄧尉探梅圖二首

前年梅花嶺。花發君已去。君去過吳門。却被花留  
住。想當踏雪時。憶我尋春處。

君不石湖畊。我不西谿漁。各有畫中樹。春風常負  
渠。相看頭欲白。頭白將何如。

樞山詩話此圖尚有真州詹石琴作亦佳是我  
夢君處山空寒翠沉梅花一萬樹香過白雲深  
銅井銅坑路穿溪穿竹吟  
淋漓題壁句苔蘚不能侵

賞雨茅屋圖

蚤爲出岫雲。常負潤物心。北隴欲騰笑。不如歸故  
林。敞廬石溪曲。荒徑松竹陰。煙泮水逾澹。雨來山  
更深。落花香滿衣。飛瀑清應琴。喜誦甘澤謠。去爲  
桑土吟。玉壺醉佳客。來者無舊今。聊申吾夙好。詩



品非所任

楠山詩話錢塘吳穀人題此圖云東風悄生寒  
 微雨灑幽竹佳韻與所諧孤詠趣恒獨繁聲娛  
 近耳空色眩遙旦杳杳羣峰迷涓涓一花沐岩  
 壑亮自閒煙霞賴相屬提壺沽屢勸翦燭畫重  
 讀行縛三間茅便擬王官谷琴須綠陰眠人就  
 白雲宿長洲王揚南題云羅胸屢萬間蓋頭茅  
 一把使君真英雄氣量空天下山雲故無心暫  
 出潤原野因風化為雨適意快瀟灑欲買玉壺  
 春與之共傾寫此時賞雨心或慮識者寡但取  
 畫圖看趣尚亦高雅南城吳退菴題云蒼茫四  
 山靄萬木交空翠虛簷聽有聲引我清幽思列  
 坐既瀟灑菲屋澹無際花鳥盡忘機所遇皆詩  
 意中有澹宕人相賞得高致泰州陳理堂題云  
 結茅萬山中抗懷千載上雨足烟塵收風微草  
 木長雲英發華滋竹林憂清響在宥無寂感大  
 厦此夷曠忻承光誦未後旂託翹仰南城胡香

海題云寒烟暝北頂濕雲亘東峰石梁濺飛溜  
 溪坎鳴遠春茅茨聞酒氣磻戶無人蹤勸酌樂  
 樹澤瞻眺怡山容聚室成奧族晏心濟野農千  
 爐懼覆壓數椽殊丰茸朝川有圖畫幽懷欽二  
 公清江黃黃生題云虛翠延列嶂芳林際遙波  
 簷前飛雨來了見物態和君子盛膏澤蓬蓽心  
 所阿澄機覽元化幽曠為之羅行雲多遠思靜  
 壑無頽柯玩此耿歲華浪浪答長歌丹徒郭厚  
 菴題云欲雨水風起白雲吹滿天泉聲數間屋  
 松影一溪烟即此愜幽抱於茲鳴素絃古來靜  
 者意圖畫誰為傳元和蔣蔣山題云玉壺一樽  
 酒素軫七絃琴空階吹飛雨落花深復深初沈  
 集虛館將微入遠林綠蘿煙草濕青翠嵐光沈  
 美襟睠當澗甘  
 澤毋言思舊岑

銀槎詩

虞。揭。已。遙。施。宋。死。百。代。酒。人。呼。不。起。酒。鎗。諸。詠。世。  
雖。傳。仙。客。浮。槎。疑。渺。矣。風。流。不。墜。有。江。郎。古。器。猶。  
珍。先。世。藏。遺。我。碧。槎。銀。鑿。落。名。公。手。澤。爛。生。光。枯。  
枝。斷。梗。冒。霜。雪。甲。坼。鱗。皴。勢。飄。忽。有。人。箕。踞。神。頗。  
超。欲。趁。長。風。泛。溟。渤。將。無。畢。卓。乘。酒。船。或。者。青。蓮。  
醉。江。月。江。郎。云。此。博。望。侯。曾。泛。枯。槎。天。上。遊。我。恐。  
張。侯。所。經。見。酒。星。誤。認。爲。牽。牛。不。然。安。得。醉。鄉。住。  
濡。首。腐。腸。不。之。顧。陶。家。土。化。幾。多。人。侯。也。拍。浮。總。  
如。故。卽。今。雨。洗。秋。旻。開。應。瀉。銀。河。添。此。杯。祇。恐。化。

龍。去。無。迹。繫。之。還。乞。支。機。石。

題退菴憶別圖

春。明。門。外。春。無。色。鶯。老。絮。飛。留。不。得。有。人。折。柳。贈。  
歸。客。妾。薄。命。君。放。回。美。人。遲。暮。心。同。灰。風。塵。落。拓。  
幾。知。已。待。君。重。來。妾。老。矣。青。衫。紅。袖。淚。模糊。一。片。  
相。思。渡。江。水。江。城。十。里。春。風。過。每。聽。清。歌。傷。奈。何。  
昨。夜。塞。鴻。附。書。至。淚。痕。更。比。當。時。多。丈。夫。四。十。不。  
得。志。相。愛。相。憐。感。卿。意。江。湖。載。酒。非。無。時。殘。月。曉。  
風。入。夢。寐。明。年。更。策。章。臺。騎。

鄭青野曰似  
張王樂府

送謝薌泉漕使

梅。花。始。發。與。君。遇。芍。藥。開。時。君。不。顧。一。春。二。十。四。  
番。風。爲。送。君。來。送。君。去。春。江。水。綠。落。花。多。南。浦。傷。  
心。誰。奈。何。別。有。歌。聲。忘。不。得。汪。倫。情。似。潭。千。尺。

黃赤城曰篇短氣  
完最近孟山人。

瓜洲登大觀樓記所見

樓前破浪嘗鼓楫。樓上旌竿望中出。平生意興豪  
登臨。風利帆飛竟何及。夜來怒噫阻瓜步。曉起荒

城拾苔級。振衣忽與三霄摩。俯首便同衆山揖。蕭  
公北顧此南望。六代烟嵐盡收拾。是時海門初上  
日。西北浮雲飛歛集。江天瀕洞如黃昏。一線電光  
吐。還。翕。雷。聲。撼。崖。崖。欲。走。雨。勢。掣。水。水。皆。立。潮。汐。  
疑。爭。赭。龕。放。金。焦。恐。作。羅。浮。合。喬。柯。併。力。猶。垂。垂。  
浮。圖。裊。空。頗。岌。岌。不。知。神。鬼。何。往。來。祇。覺。乾。坤。徧。  
霑。濕。大。檣。森。竦。餓。鴟。叫。小。艇。低。昂。浴。鳧。入。樓。中。立。  
脚。愁。傾。歆。衣。袂。輕。吹。向。江。急。反。看。僕。從。色。黯。慘。警。  
欬。無。聲。但。噓。吸。方。春。二。月。發。陽。氣。宜。有。蛟。龍。欲。啓。

螫。我。來。相。值。亦。偶。然。窮。此。大。觀。記。篇。什。

顧闳中畫韓熙載夜宴圖

上。前。誰。撫。內。人。手。絕。纓。故。事。當。時。有。何。怪。臣。家。妓。  
行。酒。教。坊。使。賜。侍。郎。宅。家。山。唱。徹。紅。羅。壁。何。怪。臣。  
家。六。么。拍。六。么。舞。者。王。屋。山。舍。人。鼓。聲。高。下。問。別。  
按。胡。琴。出。纖。指。嘉。明。女。弟。低。雙。鬟。其。餘。凝。酥。素。質。  
鞞。鬢。雲。荔。苟。香。成。隊。羅。襦。半。解。身。欲。迴。翠。袖。潛。牽。  
語。疑。穢。陳。致。堯。耶。朱。銑。耶。履。綦。雜。選。冠。欵。斜。歌。聲。  
不。使。笑。聲。遏。樂。句。尚。有。門。生。拏。此。時。銀。燭。方。搖。春。

四。筵。無。復。分。主。賓。豈。知。方。朔。在。窻。底。不。怕。隙。風。傷。  
眸。子。明。朝。寫。入。澄。心。紙。傳。遍。江。南。十。州。矣。淺。斟。低。  
唱。笑。黨。姬。蠟。淚。成。堆。傳。柘。枝。人。生。行。樂。視。遭。際。此。  
公。樂。意。誰。能。知。樂。意。方。長。苦。夜。短。金。鈴。破。後。無。絃。  
管。

陳浦筠日起六句可抵南唐小史。程禹山曰博雅似吳萊。明淨似薩都刺。

題錢忠懿王金塗塔揚本後

南。朝。四。百。八。十。寺。大。暢。宗。風。迄。五。季。富。貴。已。極。求。  
生。天。帝。子。王。孫。有。同。志。臨。安。况。是。財。賦。地。錢。氏。享。

今言所見集選  
之歷三世。貢輸巨萬猶有餘。佛事不修更何事。台  
州刺史方未歸。德詔先幾頗靈異。常宣兵劫偏難  
消。府舍天災邨曾避。人言一塔一功德。銅鑪苔斑  
尚珍祕。錢王功德在納土。免使杭人見烽燧。不然  
梁武帝與唐憲宗。豈少石函函舍利。

寄題法梧門祭酒詩龕圖

佛有文字何嘗空。其空乃在無不容。沙門八萬四  
千法。皆入不二爲真宗。詩家往往借禪喻。此道亦  
復多神通。飛騰綺麗才百變。鏡象一語安能窮。紛

紛。宗。教。異。南。北。惜。不。大。會。參。其。同。法。公。獨。具。正。法。  
眼。萬。法。盡。納。虛。龕。中。誰。居。廊。廡。誰。入。室。妙。慧。所。觸。  
皆。圓。融。雖。然。豈。無。外。道。逢。野。狐。魔。障。愁。交。攻。願。公。  
持。律。務。嚴。謹。庶。爲。大。雅。宣。厥。風。我。詩。比。者。少。精。進。  
身。落。塵。境。心。俱。蒙。安。得。同。龕。與。密。證。猶。能。一。指。傳。  
天龍。

瓊花觀

玉勾仙客飄然引。不管瓊花數當盡。神如后土亦  
可憐。閱遍繁華似朝菌。石臺草長秋風淒。井甃苔

深○春○雨○滋○我○恐○瓊○花○卽○玉○樹○芳○魂○殉○國○同○青○溪○人  
情○宜○爲○花○歎○惜○我○獨○言○花○壽○無○匹○隋○楊○賜○姓○不○多  
時○仙○李○蟠○根○能○幾○日○優○曇○一○現○五○百○年○重○擢○靈○芽  
應○有○緣○試○向○井○中○敲○洞○戶○返○魂○丹○藥○問○真○仙

儲山詩話陳理堂同作云春風后土祠絕代閔  
瓊姿寂寞無雙色繁華彼一時空亭鳥毳落古  
井苔痕滋金粉都陳迹勞勞畫者師蔣師退云  
亭邊玉蕊爲誰香井底丹砂可得嘗世外烟霞  
供點染此間花月管興亡神仙有數原難學草  
木何知重去鄉廿載重來人事換更無情緒弔  
隋唐郭厚菴云洞天春真高壇月遲遲冷風  
墜清露何處瓊樹枝微聞鈴聲語黃葉盈前墀  
從來看花人難遇花開時黃貴生云玉皇曾賜  
藥珠冠管領東風二月天小別江城人不識花

開花落一千年他作甚多不及  
彙登并可續作無雙小記也

春花秋宴曲

重陽前二日題襟館梅桃海棠繡毬皆著

花與諸詩人酌酒賞之賦春花秋宴曲

上○元○夫○人○頒○密○敕○俯○憐○塵○世○秋○蕭○瑟○命○汝○道○人○般  
七○七○汝○今○拜○領○司○花○職○鶴○林○故○事○三○千○年○人○間○又  
是○重○陽○日○好○與○江○城○作○春○色○道○人○飛○召○羣○仙○來○鄒  
生○吹○律○寒○谷○迴○韓○湘○獻○花○頃○刻○開○胸○有○造○化○真○胚  
胎○轉○移○霜○霰○爲○春○雷○金○輪○一○檝○同○可○哈○又○豈○羯○鼓

真能催貪天之功。世常有嗟爾鶯燕徒驚猜。插茱萸。汎甘菊。請奏春光好。一曲江淹李白。今未稀。夢裏霜臺花奪目。吟聲休作秋蟲促。

櫺山詩話黃賁生和廿四橋頭秋月明題襟館裏換春晴嬌嬈一夜簇繁艷風雨不來如有情

禹鴻臚畫鄭湛若抱琴遺像

廣陵散不可聞。廣陵人曾識君。寫君磊落之奇氣。欲向灘山湘水招君魂。君操水仙倚仙去。海天洞湧山林暮。悲君不獨人琴亡。生世知音未嘗遇。華陰令尹嗔騎驢。翻身跨馬超霧渠。翩翩書記有誰

識雲。驪孃者天人。如吹蘆管兮。嗚嗚歌浪花兮。啞啞搗伏波之銅鼓。譜綠珠之玉笛。平時古調無賞心。到此翻能快胸臆。蠻花狢鳥相娛嬉。猥女解唱山人詩。一從生入鬼門後。天荒地老長相思。絲聲一何哀哀。以立志。惟君子螳螂急捕。鳴蟬死寂寞。蔡邕遺綠綺。吁嗟乎蒼梧。迴望雲冥冥。哀彈應托湘妃霧。誰從明福洞。邊過薦以蘭芷之芳馨。廣陵忽見鴻臚畫。當日漁洋曾展拜。却思流落七條絃。葉錦衣家可仍在。

櫛山詩話靈渠三十二陡由離通銅鼓水見赤  
 雅又鴻臚欵題阮亭命追寫此像詹石琴同作  
 云狔鳥助悲吟蠻花照客襟天風吹欲動古色  
 至今深墨漬憂時淚琴知踏海心洞天七十二  
 明福杳難尋陳理堂云桂嶺離江事可憐翩翩  
 書記走蠻天金泥得句三家外王帳談兵四姓  
 前瘴雨無情埋碧血海山何處響哀絃生綃留  
 得鴻臚筆指點鬚眉一慨然郭厚菴云冷落七  
 絃琴誰憐蹈海心白頭彈古調紅粉是知音蘆  
 管尊前聽蠻花馬上吟離騷難卒讀哀怨與君  
 深泰州俞澄夫云帝上鬚眉尚激昂抱琴心事  
 本非狂離騷哀怨沉湘浦銅柱勳名紀瘴鄉亡  
 命人皆惜張儉絕交書早類嵇康莫從洗硯池  
 邊過浩浩天風海水涼蔣山云七絃指下聲  
 沈沈就中飛出孤鳳音孤鳳吟斷湘江水海雪  
 山人抱琴死抱琴昔向相江彈九疑烟深風雨  
 間南荒竄走一千里鬼門銅柱天蒼寒曲高祗  
 惜無人殺氣聲中廣州破顏山風起陣雲愁

莫宏碧血空城宛琴聲乍斷良材摧千秋化鶴  
 還歸來成連海上不可越水仙操冷堪悲哀時  
 人蹤跡原霧異國是平生多涕淚可憐無地著  
 鬚眉止向雲壤掌書記鴻臚妙筆是何年尚書  
 冷落抱琴篇招魂欲斷炎  
 都夢當日牙琴已絕絃

思雪用坡公祈雪霧豬泉韻

我。自。不。畊。徒。穀。腹。眼。中。畊。者。食。誰。足。又。無。霖。雨。能。  
 雨。人。雲。漢。之。詩。聊。代。哭。江。淮。今。歲。夏。徂。秋。軋。軋。水。  
 車。不。停。軸。幾。令。魚。困。乞。升。斗。頗。厭。牛。閒。耗。芻。菽。幸。  
 哉。一。雨。纔。翻。犁。稍。見。西。疇。麥。苗。綠。冬。來。何。復。行。夏。  
 令。日。夕。火。雲。照。江。濱。往。時。蜀。貨。如。流。泉。輓。粟。飛。下。



千重淵近者干戈常阻絕。巴人漢女饑欲顛。江東米價愁增急。大戶金多抱金泣。轉餉天邊且未已。此時無雪嗟何及。南風三日熱轉煩。似欲轟然激雷蟄。朝看鞍馬已出雲。暮見元駒羣戴笠。更願蜀中兵勿疲。三秦鎖鑰牢封匙。

櫛山詩話先生此作可謂兼工部道州而有之。詩人之詩也。并鈔同時和作如左。諸賢憂時憫農。均不失風人之旨。豈徒風雲月露流連光景。爭長於題襟之會哉。吳穀人和作云。高隴生埃。龜坼腹雨少。還防雪不足。縱免今歲無衣寒。最怕明年無麥。哭在野徒知望彼蒼。此憂那不關。當軸連宵。臣耐風掀。茅積暖。幸無霜殺。菽使君苦愁三白遲。使君先凋雙鬢綠。山川祈禱用圭。

壁甘為蒼生再三瀆。誠感有如刀抉泉。玉龍衙衙躍重淵。雲頭慘淡日脚瘦。半空欲放楊花顛。傳聞巴蜀飛書急。戍卒何曾負戈泣。鵝鴨聲中快洗兵。歸畊最好逢春及。飛翼應解送奇瑞。宿液猶煩醒羣蟄。伴我茅檐侍者誰。蕉披蓑袂松張笠。重來說餅定忘疲。軟嚼不用湯澆匙。王楊甫和云。侏儒得飽易果腹。廣文有例飯不足。無聊自讀汜勝書。天如雨粟鬼弗哭。今年晴冷大非時。冥頑炎融互持軸。我官瀕海學田荒。客厨無肉梓者菽。稍喜秋霖猶應禱。木棉稍黃稻梢綠。比當冬令澤乾源。夜潮空上不滿瀆。渡江來酌中冷泉。谿谷洞壑窺龍淵。江痕消縮洲渚露塔鈴亂語東風顛。河渠未塞軍芻亟。函縮河邊問枯魚。泣豆芽雖短。麥苗齊快哉。一雪猶可及。誰能蓬島借瓊塵。尺厚平鋪壓坏蟄。詰朝我欲挂帆歸。先看寒江釣蓑笠。賣劍買牛牛勿疲。明年飯白滑。抄匙陳理堂。和云。晨炊數米食。量腹暮走天涯。蟹雙足無田常是辨。寒暄有夢因之雜。

歌哭。但願四角生車輪。底用稀膏運。方軸蓬頭  
稚子垂髻。妻日祝年豐。飽蔬菽。今夏若旱雨澤  
稀粘塊。枯萍脫。殘綠歲晏風日逾晴。暖更遣雲  
螭閉深瀆。使君胸有萬斛泉。拈豪露滴清冷淵。  
竭來思雪弄長句。愁鬢漸看霜入顛。磬磬中澤  
哀鴻急。按部應教。輟啼泣。長檣轉粟賑海壖。萬  
竈鹽烟見猶及。及時瑞雪遍野入地。遺蝗區  
且蟄。負郭何必定二頃。所幸村村見。臺笠麥隴  
行客應忘疲。風吹餅餌香。流匙月徒郭蘭池。和  
云。今冬水澤未。堅腹益益晴。和兩月足。謾說貧  
民堪負。暗焉知瘠土。時聞哭荒蒲。衰柳潛弄色。  
似喜春溫迴。地軸獨有江梅識。歲寒含葩萬點。  
織如菽。不將冰雪濯瑤林。誰掃空山墓。烟絲有  
人醉卧掩柴荆。要看陰雲與岳瀆。江南豈少霧  
豬泉。瘠龍抱珠藏九淵。滕六鞭之駕海起。梨花  
一夜東風顛。顛吾聞關隴徵兵急。鼎魚穴蟻聚相  
泣。萬馬窺邊朔。朔氣深三軍罷戰春。畊及行看積  
素。壓遺蝗不待驚。靈蘇百蟄預知翠浪舞。明年

賣劍買牛著蓑笠。盡起四海羣。堪疲余亦雪花  
翻滿匙。蔣蔣山和云。世人有口不知腹。日食羊  
羔猶未足。新穀初登吾不歸。升少嬌兒飯籬哭。  
昨者雨脚隨禱至。龍怒雷車失其軸。淮南一郡  
民力蘇。粒米堆盤大如菽。使君豈習道士章采。  
筆搖空宇猶綠。入冬又復苦思雪。欲以精誠祈  
四瀆。此邦安得霧豬泉。疑龍却卧千尋淵。何當  
鞭龍呼車起。阿香雖頑不敢顛。同雲密雪今方  
急。當使蟄蟲暗。中泣。二農歡呼百姓歎。冰柱新  
詩吾力及。凍回殘臘兆豐年。直擬飛花過驚蟄。  
故鄉頗有二頃田。預想扶犁呼簞笠。  
麥畦灌漑不知疲。來春說餅滑流匙。

臂痛

進不能彎弓射賊。退不能把鋤種田。復不能鍊丹  
換骨求神仙。聽鼓應官常困劇。中宵兩臂艱轉側。

當車祇可讓螳螂。化彈何從索鴟炙。行年四十未  
爲老。蒲柳之姿望秋槁。爲國曾無使指勞。負山唯  
願息肩早。君不見錢塘袁子才。三十有二解組歌  
歸來。往年八十尚無恙。掉臂遊行何壯哉。

鄭青嵐曰。神駿不羈。

阻風謠

昨日順風今日逆。誰知橐籥真消息。乘風忘却守  
風時。住者羨他行者疾。語君勿悲亦勿歡。舟人祇  
是收帆難。

曉起

萬事集初曉。天光驚入幃。茫茫追昨夢。翁翁動新  
機。涼覺林風澹。清憐衣露微。羣鴉勞似我。已復去  
來飛。

題閩齋芙蓉湖上讀書圖

美人住湖上。艷奪芙蓉花。今日芙蓉發。美人天一  
涯。余曾泛黃浦。風雨片帆斜。岸側聞吳詠。焉知君  
所家。

李花樓曰天然去雕飾。指此種詩。

白蓮詩和夢樓前輩 二首

暑風吹不熱。秋水澹無痕。一夕清輝照。滿湖香露繁。  
 遠公修淨土。謝客沁詩魂。示我天然妙。知君般若門。  
 不露孤高氣。而成清淨根。亭亭此焉植。澹澹復何言。  
 銷盡湖中艷。醒來月下魂。相憐貞女意。縞袂坐黃昏。

送黃賁生北上公車

衣。上。去。年。淚。鬢。邊。明。日。塵。人。隨。歸。雁。遠。花。待。禁。城。

春。遇。合。非。無。命。文。章。自。有。真。時。多。按。圖。者。未。肯。失。騏。驎。

寒月

風。色。兼。霜。氣。清。輝。似。有。鉞。頓。教。燈。火。闇。但。覺。紙。窻。涼。  
 過。雁。輕。流。影。踈。梅。暗。動。香。暖。寒。須。覓。醉。休。厭。漏。聲。長。

櫛山詩話王夢樓和云禪榻三更後鬢眉寒欲  
 凝穿窗何處雪鋪院一方冰絕塞橫千里危樓  
 上幾層廣寒疑疑太近高處喚能磨清河蒲快亭  
 和云疑雪更疑霜侵階復映床冬心太寥淡梅  
 影乍昏黃倚檻知衰薄懷人聽  
 漏長簫聲何處起落木正蒼涼

人日游焦山詩 六首選二

海潮浮不去青積漢時烟人物千秋姓風濤四面  
天雲含江氣濕日對寺門圓此即蓬萊島焦公竟  
作仙

賓谷自註世稱焦先曰焦仙

雙闕闕松寥長通上下潮乾坤何代畫日月此中  
跳人跡無從到禽聲盡意聳臨江難久竚寒起籟  
蕭蕭

釋竹軒曰空同集中合作

枯樹

落落迥成格青青微有芽當風還翫麟影月但槎  
枒便覺園林古曾經雨露賒此時逢庾信愁絕感  
年華

送退菴之粵西

才人常下第此地往來多送汝浮湘水將詩弔汨  
羅賊氛猶未了旅鬢復如何竊恐書難寄衡陽鴈  
不過

崔雪堂曰純以樸勝致身在大歷以上

上方寺看梅

山門掩修竹。殘雪在庭陰。此地罕人到。梅花香獨深。春生前代土。客感去年心。小飲竟成醉。徘徊月滿林。

崔雪堂曰  
評同上。

吳蘭雪至

渡江詩遞到。君尚在人間。才子天宜惜。憂端我乍刪。音書三歲少。風雪一身孱。轉復愁多病。迎門審舊顏。

賓谷自註。屢有傳  
蘭雪死耗者。故云。

冬至後四日題襟館消寒小飲分韻得紋字

記得分箋寫凍雲。又看呵硯散冰紋。天涯歲月憐新鬢。漢上風流仿舊聞。諸道久勞橫海將。五谿猶駐伏波軍。不能雪夜從擒賊。空策書生翰墨勳。

新鴈

今汝何之江上寒。楚天愁思正漫漫。水深碭澤哀鳴起。兵阻衡陽過去難。幾處稻梁逢樂歲。誰家書信寄征鞍。為伊此日關心甚。不覺霜華上鬢端。

櫛山詩話詹石琴和句云霜催荻葦花初白秋  
半江湖人未歸南城黃立之和句云聞閣秋來  
聽最早客意病後夢難成郭厚庵和句  
云數聲和月落孤枕一點入雲橫早寒

水亭懷古

撥盡寒灰亦苦辛可憐亂世有君臣廣陵重見楊  
花落建業還歌玉樹新一自紅羅圍絕艷更誰白  
髮念先人隋家九曲亭邊路水調聽來倍愴神

櫛山詩話蔣師退同作云繞闌野水碧於天猶  
說鑪灰畫字年五夜風寒温室樹九華青斷介  
山烟北郊兒戲明堂位中省人爭宰相權可惜  
沙門樊若水不參秘議小亭邊郭厚菴同作云  
楊花吹落滿亭風畫盡寒鑪計自正一劍何能  
逃酒更十龍先已兆豕翁從令玉李春長好誰

料紅羅晏不終七百年來水鳴咽南朝都在劫  
灰中吳縣何豈匏同作云割據紛紛孰最雄昇  
元遺構渚烟中嗣王可奈成孫皓謀士唯能用  
崩通自古難憑天塹險幾人曾保主恩終洪流  
橫决恬鱗少七載休兵僅此公

淮陰市口占

能忍少年辱偏憎噲等伍人生得意時誰記從前  
苦

送白菴學博返南昌 二首

人說揚州月二分使君有客杜司勳一帆歸去寒  
江雪開到梅花却憶君

孺子亭邊覓舊居。客遊倦矣意何如。商量故是青  
羶好。辨得齏鹽又著書。

題徐朗齋所藏畫蘭時赴楚南戎幕

君抱離騷千古意。幡然去上洞庭舟。試看湘雨湘  
烟裏。真態生香似此不。

揚州柳枝詞 十首選四

揚子江頭綠漲天。蕪城一片是春烟。春來何處無  
楊柳。不似揚州最可憐。  
淮水春連江水春。枝枝賜姓主恩新。阿誰似爾風

流。甚曾蔭二千殿脚人。  
絳仙眉黛寶兒腰。妬盡東風一萬條。今日飛花寒  
食節。玉鉤斜畔雨瀟瀟。  
仙人掌上有人過。柳七荒墳蔓艸多。為唱雨霖鈴  
一曲曉風殘月奈愁何。

櫛山詩話金匱徐闓齋和云。揚帝行宮鎖紫泉。嫩添春水綠添烟。斜陽萬古傷心樹。只隔雷塘數畝田。明月簫聲廿四橋。紅樓一帶水迢迢。十年彈指樊川夢。攀折長條又短條。簷石琴和云。樓頭牆角易斜曛。露葉烟條遠未分。不及玉勾斜。畔年年青到阿。廢墳楊家故宅久。榛蕪冷雨斜陽霸業徂。一陣歸鴉壓枯樹。遊人猶認黑雲都軟。學腰肢淺畫眉兩船相遇鎮相隨。生來



願作虹橋樹。不識人間有別離。風枝猶似昔年  
瘦。詩鬢不如前日青。三兩聲鶯二分月。有人官  
閣酒初醒。胡香海和云。金樽三拍浪。飛錦  
歸吳公臺上。麗華歌。別有腰肢向阿麼。夢裏紅  
梁人未醒。飛花更比石頭多。后土瓊花不更春。  
木蘭亭下也生塵。何如一帶隋隄水。尚有柔枝  
折贈人。白門劉霞裳和云。濯濯羊姿。一桁青烟  
籠霧鎖。怨春陰。自從生。長隋隄上。愛學宮腰瘦。  
到今興化。顧芝衫和云。大雷塘接小雷塘。不種  
垂楊種。白楊風雨滿天。聽不得。空留燕子說。與  
亡。俞澄夫和云。六朝飛絮石城隈。齊逐東風笑  
眼開。織盡秦淮好。烟雨又拖新。綠過江來。綠隄  
能彈孔。卽吹江。淮浪迹。記温岐。錦帆風颺。隋隄  
柳無復。人歌。側豔詞。蔣山和云。煙啼露泣。暗  
棲鴉。寂寞蒼蘆。觀裏花。料得禁風。禁雨。日有人  
曾吊。玉鈎斜。螢苑荒涼。怨莫任。空將翠帶。結同心。  
心。春風無主人。如夢十二玉樓。思不禁。千絲臨

水復臨隄。烟霧朦朧。夕照低。欲折一枝。傳別恨。  
亂鴉無數。盡情啼。腸斷。簫聲不可聽。三春風雨  
客。曾經雷塘燈。火迷離。後。愁殺烟條。一帶青。

鄭大謨 青野福建閩縣人十六洞天山人漫稿

陳浦筠曰有如新篁解箨有如古木卧沙有如  
 片帆斜挂曳千里之晴波有如絕磻孤尋駭三  
 更之栖鶻此青野明府近年之詩格乎明府才  
 本瑰竒學尤淹貫圍花作縣飲泌樂飢一時爭  
 重敦詩說禮之風及今頗有驅鱷斬蛟之舉甲  
 冑環於郊外桑麻衛其境中顧事則甚繁而詩  
 乃益富戰場句覓爭思繡以弓衣部屋牋裁允  
 合譜之幽籥太白之歌梁父次山之賦春陵智  
 畧具徵諷規備有可以代章奏可以紀輿圖客  
 園秋早高齋酒俸黃河濤聲乍來枕畔太行山  
 翠半落襟前斯時一卷親攜踈窗獨倚慨然想  
 見箬深林密昌鋒刃以馳驅茶苦薺甘進髦童  
 而慰藉彼區區揣研聲病刻畫青紅者又豈能  
 繫其短長測其深淺哉  
 櫛山詩話青野乃少谷山人九世孫詩其家傳  
 才最敏捷清音亮節與到疾書讀史詩多至千

今詩所見集選卷七  
 岳

餘首可謂豪矣。以名進士。製錦泌陽。治行第一。復多保障功。山陰陳浦筠。一序畧見梗概。故張船山太史贈以詩曰。夜擁牙籤。晝擁兵登陣。爭看老書生。身從擾攘。修文事。水亦洋洋。詠政聲。氣蓋巖疆。心磊落。詩包全史。論縱橫。青山何日同。歸隱點染。鶯花寫太平。太宰朱石君先生次韻云。巾扇登陣。久練兵。五年辛苦。活蒼生。論詩不廢琴。三弄折。展遙聞。鶴幾聲。萬竄曉烟人。保障兩歧。春秀麥。縱橫南陽。召父重來。日竹馬歡。呀聽太平。張為青。聖庚戌同年。並太宰所得士也。余填金縷曲。版青聖集。曰。誰謂書生也。守孤城。曾經閱過。幾番戎馬。驀地綠林。羣梟起。南紀烽傳。一夜氛甚惡。只爭三舍。君但鳴琴。師諸葛。儘民皆被堵。嬉春社。潛饗士。暗清野。靖緩端賴。弦歌化。十旬餘。賊難入。境。泌之佳話。中更間關。從軍旅。供頓儲胥。不暇却覓。句弓衣。偷寫工部道州兼而有嗣。君家少谷。真風雅。非無病呻吟者。

擬古十二首選三

繁桑何鬱鬱。叢竹何猗猗。桑竹交清蔭。新枝間舊枝。舊枝不可折。新枝不可移。涼風林外至。日暮生遐思。

樓上響瑤瑟。樓下聞銀箏。銀箏雜瑤瑟。聽之誰分。明東隣有一女。自道知五聲。瑤瑟音韻濁。銀箏音韻清。彈箏明妾志。鼓瑟重郎情。天河何皎皎。箏瑟長夜鳴。日長防路饑。秋深防夜冷。宴安鑠靈根。無為逐風。

景○舊○愛○願○棄○捐○新○歡○亦○退○屏○鴻○飛○響○遙○天○萬○籟○一○  
何○靜○

立春郊行時甲寅正月四日

好○雨○一○犁○足○元○正○四○日○春○依○然○折○腰○吏○漫○道○看○花○  
人○碧○轉○秧○畦○秀○青○迎○柳○岸○新○眼○前○皆○淑○景○吾○敢○厭○  
風○塵○

許芝生日  
恬適自然

九日赴新野軍中

家○山○一○別○後○十○載○不○登○高○又○遇○重○陽○日○翻○成○遠○道○

勞○海○天○遲○采○菊○矛○戟○賦○同○袍○吾○笑○參○軍○帽○徒○成○會○

上豪

雨霽晚程

歛○見○碧○天○霽○長○途○歸○市○喧○斷○雲○橫○翠○巖○幕○靄○淡○晴○  
村○鞍○馬○無○非○事○風○塵○敢○憚○煩○眼○中○空○俗○障○秋○月○淨○  
無○痕○

馬上望白湖

晶○晶○鷗○羣○狎○雙○眸○曠○白○湖○晴○波○搖○翠○荇○遠○岸○漲○寒○  
蘆○雲○氣○乍○濃○淡○泉○聲○時○有○無○扁○舟○謀○未○得○奮○轡○日○

長驅

上十八盤山。白。巖。業。見。無。數。心。驚。十。八。盤。水。從。雲。外。瀉。天。向。洞。中。看。不。信。隴。山。險。休。言。蜀。道。難。此。間。雙。九。曲。絕。壁。倚。危。灘。

北鄉道中

遠。岫。滴。空。翠。前。村。搖。亂。紅。馬。行。流。水。出。人。過。板。橋。東。到。處。風。塵。裏。此。間。圖。畫。中。故。鄉。歸。未。得。笑。傲。羨。山。翁。

試新茶

六首選一

石。碾。聲。齊。穀。雨。前。乳。香。到。處。驗。新。鮮。可。能。兩。腋。清。風。起。飽。看。千。團。曉。月。圓。欲。酌。詩。魂。頻。檢。點。寧。邀。貴。客。費。周。旋。但。愁。老。眼。生。花。日。踈。畧。桐。君。漫。結。緣。

朱春亭曰君家建溪故得雲腴三昧

儲山詩話胡釘鉸居白蘋洲傍有詩人柳惲墓胡每茶飲必奠酌之後胡夢柳教為詩詩遂工謝安詣吳興太守陸納所納唯以茶待之安時為衛將軍此詩五六指此

樂饑艸堂聽梁靜齋趙點山黃亦秋感論近

事次韻和之

今詩所見集選卷七

三

一枕涼生午夢酣。驚聞花下鬯清談。閒人似我疑無兩。益友如君竟得三。江上琵琶緣已斷。樓頭玉笛聽何堪。劇憐依舊饑同樂。秋雨秋風共苦甘。

秋日軍中別趙十二點山

兩年鼙鼓未曾休。羽檄奔馳厪百憂。老我征途黃葉暮。別君杯酒碧天秋。荻蘆影裏人千里。鴻雁聲中月一樓。從此看花無意緒。烽煙况滿楚江頭。

靈磯娘娘廟 三首選一

隔斷紅塵碧水湄。凌波羞殺洛河姬。明璫翠羽儼

然在。簾外春風總不知。

青聖自註靈磯娘娘廟在浙川縣城西五十里。

偶作

莎庭露白花。千影竹。埭風清。月一灣。如此好花如此月。十年無夢到家山。



軟破睡淪茗甌。輟誦掩經卷。詩情與愁懷。良辰愈  
難遣。開牕散遠襟。煙巒畫圖展。欣然思濟勝。芒屨  
躡蒼蘚。遊侶愛僧寮。指點歷前巘。隔塢衣香來。緣  
崖石徑轉。罷叅古維摩。跏坐息輕喘。招呼上危樓。  
望洋色驚顫。浩浩接混茫。乘查事空緬。憶昔移我  
情。成連意何善。心知聞笛處。村遠不可辨。歸途經  
舊遊。兄弟歎終鮮。譬彼行葦生。慘遭牛羊踐。風流  
竟頓盡。撫景淚雙泫。但見人民非。幾見海水淺。但  
見玉樹埋。幾見桑田變。身無神仙骨。雲中羨雞犬。

夕陽滿松坪。寒泉響竹筧。水流花自開。達人差慰  
勉。

雲上自註云。故人陳應和住海上。嘗與浹旬聯  
床。今歿五載矣。又云。是日過芥紫先兄讀書處。

吳門旅次作古風四首呈阮蘊村太史 四首

阿母已垂髦。曾不得兼珍。上堂問起居。欲進還  
逡。竟無檄可捧。何以娛吾親。並無米可負。菽水歡  
難申。九熊枉辛苦。有子偏長貧。蕭郎侍中年。猶作  
傭書人。舉頭看高天。惟覺多此身。

王介社曰。舉頭十  
字。非寒郊不能道。



見倒誰肯扶從。嗔我須齧小時。誦此句頗疑立言。  
絞少長識人情。亦復悟稍稍。豈知十年來。妻孥恒  
不飽窮途。足酸辛中腸。自煎燭快哉。昌黎詩吐辭。  
覩天巧真如背癢時。恰得麻姑爪。  
蜂房豈那鵠牛鼎。烹雞九霄盤。俊鶻千里馳。奔  
驥安能久鬱鬱。毋乃為栖栖。願言掉頭去。奈此歧  
路迷。山何藏鹿豕。海何蓄鯨鯢。鳳何豐於羽。麝何  
香於臍。猥何為而笑。猿何為而啼。我欲叩閭闔。誰  
為扶雲霓。人生徒自苦。物類自難齊。何如日沉飲。

卓哉阮與嵇。

徐俾湖曰光怪  
騰上亦莊方驪

駿。駿。歲。將。道。蹙。蹙。靡。所。騁。夙。慕。嗣。宗。名。懷。詩。作。干。  
請。乞。食。愧。向。吳。放。歌。敢。誇。郢。豈。期。憫。漂。零。直。欲。拯。  
陷。穽。為。我。惜。才。華。翻。自。歎。孤。耿。一。從。作。寓。公。卅。載。  
違。禁。省。踈。嬾。性。使。然。久。與。世。相。屏。但。見。烏。黑。頭。何。  
知。鷓。白。頸。庶。幾。玉。笋。班。契。合。如。形。影。今。雖。隔。山。川。  
無。異。同。鄉。井。殷。勤。贈。書。題。或。可。免。饑。冷。賤。子。感。雲。  
天。聞。言。重。悲。哽。志。士。恥。脂。韋。丈。夫。貴。骨。鯁。既。進。希。

夔龍既退樂箕穎最憐未遇時。鹿鹿誤光景。旁人  
強寬解。碧桃與紅杏。詎如知己恩。吹噓慰蓬梗。紅  
顏嗟失時。青眼盼何幸。譬彼悅已容。聊把文辭逞。  
吟情慘旅魂。雪片侵燈檠。公乎聽此謠。休認猿啼  
嶺。

劉梅莊曰源從浣花谿來而潤以玉谿膏澤  
徐荇圃曰懷知感遇之言勿作乞憐語看

仲夏及門蔣修隅守初師退邀同孫坦園明

府放棹平山堂廻舟集飲柳下 二首

放舟北郭外。冒懷倍瀟散。兩岸排樓臺。一路遞歌

管。游人如蛺蝶。花邊過。緩緩濃陰翠。欲滴澄流碧。  
可浣。先尋綠篠園。後憩微波館。高閣與曲房。層折  
路疑斷。凌雲竹枝新。出水荷葢短。雖非真溪山。亦  
足恣清款。

清款日云暮。竒景生斜陽。雲物盡變態。永木烟蒼  
蒼。一葦縱所如。忽至平山堂。永叔不可作。獨立愁  
蒼茫。廻舟停綠陰。開罇鬥波光。觥籌正交錯。淡月  
流昏黃。酌彼第五泉。爽欲凌風翔。醺然石上坐。蔭  
以雙垂楊。安得石化槎。泛彼仙人旁。濯足銀河中。

倚醉看七襄。我衣正藍縷。願乞雲錦裳。服之返舊路。炫耀經扶桑。右手弄鴛鴦。左手招鳳凰。歸來人不識。問是誰家郎。悠然笑不答。自昔余情芳。

毛壽君曰後半奇逸宴集詩若此可謂曲終奏雅。

春晚吳竹橋內翰攜湖田書屋小影索詩次

日寄余長篇有云不願功名至卿相但知風誼兼師友嗟乎此何等襟懷何等交契

耶爰步韻以題

數椽湖尾如虛舟。踈慵只合娛羣鷗。不爲大隱在

朝市隴畝何妨且棲止。今朝天朗宿霧開。故人攜畫徵詩來。展圖牕前山欲妬。分明鏡裏煙鬟堆。四隣傳玩看不足。知是湖田外史讀書屋。外史才華冠木天。一爲主客暫歸田。軟紅塵土深三尺。滿板剛逢春漲碧。山光明媚破積陰。檻外一夕湖波深。君詩澄似碧波瀆。直與山水爭清音。誰知天真濃勝酒。忘却功名初入手。嬾趨魏闕戀衰親。頻向滄洲尋素友。吁嗟老聃其猶龍。能伸能屈真英雄。豈若賤子多坎壈。紛紛蘿蔓纏孤松。碧桃紅杏強相

慰遺經獨抱荒村中荒村暇日客蒲堂花看北勝  
兼南強高峰纔放斜陽黃海雲旋蔽皎月光十載  
諸侯老賓客三年淹卧窮江鄉結廬宛寄曲水曲  
讀書還等方壺方畫中人著芙蓉裳似言畊釣滋  
味長帶經鉏處烟蒼蒼我方彈琴望求羊敢擬彭  
澤營柴桑詩成題贈捲圖去未必名區許君據請  
看莘渭在寰宇朝作漁樵暮霖雨

古歌一首送梅席漢陽明府北歸

吾道行於江漢間賢宰相邀館鳳山吾道窮於江

漢間賢宰北返丁母艱道行感動太守及學使道  
窮妻孥饑欲死日日風濤不回寓憂心莫訴有如  
此公歷四縣凡九年廉能自有青史傳憐我之才  
扶我困卽此已見賢宰賢輕財意欲振士氣一滴  
可知海水味待公服闋展經綸問我已填溝壑未

雲上自註丁巳冬大雪僵卧承梅席  
馳贈羊裘一襲朱提二斤卽延入署  
櫛山詩話梅席漢軍鑲黃旗人孝廉姓永名佑  
亡友德樹盒司馬之女弟夫也梅席有子曰炳  
齋又樹盒之女弟冠能文余客汴中  
與炳齋唱酬極多選雲上詩附記於此

舟中

落日度遙林。層波漾碎金。面寒溪色淨。衣碧柳烟深。片雨前村過。微雲半嶺陰。吾生愜幽趣。何事可縈心。

深秋吳二竹橋入都邵大元直招同飲餞以

陽關三疊分韻得陽字

客路三千里。征鴻一兩行。吟邊燈影瘦。衣上酒痕香。漫賭雙鬟曲。看登七寶床。何須分出處。先達卽王陽。

得芥紫三兄淮徐信二首選一

胡。絹。難。酬。舊。日。恩。蘆。中。歌。罷。又。黃。昏。夢。迴。遠。道。秋。風。冷。燈。暗。虛。堂。夜。雨。喧。懷。刺。君。能。傾。北。海。買。絲。我。欲。繡。平。原。叩。門。自。愧。言。辭。拙。敢。戀。青。瑣。守。兔。園。

閏二月望日清明晚晴獨酌逕醉

誰家雙燕畫樓前。飛破斜陽一抹烟。門外幾人懷舊夢。煎茶到處試新泉。濃春孤館偏逢閏。霽月空庭正及圓。幸是襟情能縱酒。不曾孤負杏花天。

懷范東叔席巨源

名山風雨記周旋。曉課齊爭鳥語先。出岫雲生衫

袖底穿林泉落枕函邊昔分佛鉢應同嘅近戀侯  
鯖祇自憐迴首嬾殘煨芋處忽忽已是十年前

月將圓

未滿還勝滿後虧最憐幾望影徘徊攜班扇襟  
微掩竚看軒銅匣盡開顧我明眸勞轉側背人豐  
歷記斜迴比將昨夜情差慰爭及團樂三五來

張子和曰細膩熨帖不  
纖不佻體物高手也

偶憶

輕雷輕雨隔芳洲紫桂叢西是翠樓人自畫眉山

色曉兔為搗藥杵聲秋橋通小市宜沽酒岸著垂  
楊可繫舟不忍重經愁絕地落花門巷綠陰稠

鮑凌客曰如  
聽哀絲脆板

蔣清容先生奉諱留揚州余將赴館先此寄

懷卽次見贈原韻

為感情深杵臼間雙襟添得淚痕斑論詩最憶風  
生坐讀禮遙憐晝掩關春夢早隨青瑣遠鄉心時  
共白雲還猶將一榻懸高館翹望烟江碧漲潏

楸山詩話蔣先生題雲上古體文有云簡老有  
法足徵食古之功然則吾之與足下定交杵白

也。益以自信。雙眸炯炯矣。原韻附見。袁公禮士。屋千間。彭七論文豹一斑。虛說聲華重。圭璧尚。勞詞賦。走江關。生花筆已傾。餘子換骨丹。猶待。九還。讀罷新詩。感搖落老夫難掩涕。潺湲先生。自註。哀謂簡齋前輩。彭謂共相閣下也。

夏日寄友

萍香不斷沁心涼。樹影嵐光翠滿裳。深柳帶烟遮畫閣。亂山銜雨入溪堂。采烹陸莧供朝饌。坐看池蓮試晚妝。要識大癡真粉本。只須攜酒到西莊。

張子恂曰。雲上所居名西莊。艸堂。毛壽君上舍。有卽席西莊。艸堂同。吳竹橋。張子和。兩大史。孫子。蕭孝廉。送別雲上詩云。計日仲宣趨幕府。何時摩詰住山莊。

春郊述懷三十首選四

五載幽棲百慮空。不知人世有窮通。素心合證蘭雙箭。舊境惟存月一弓。堆檻峰巒追北苑。隔隄絲竹趁東風。郊居管領谿山趣。得意還生失意中。有情未免惜芳菲。綸閣無緣探紫薇。壯志漸歸悲驥櫪。盛年誰遣卧牛衣。三更秉燭花何瘦。一雨穿籬筍正肥。獨上小樓閒徙倚。暮雲深處看鴻飛。杜宇啼殘血有痕。斷腸何必待聞猿。薰風似酒春三月。細雨如煙柳一村。售世文章無定價。醫狂國

手少專門南華封禪同歸誕深惜文園怒漆園  
曉窓曙色送晴和細聽流鶯婉轉歌至竟盆梅經  
雪少生來岸柳受風多詩催韻友馳銀鹿山學姬  
人飾黛螺四十餘年貧賤過不教行樂待如何

徐心如曰三  
四饒有寄托

### 燕子磯

危磯似燕飛不作呢喃語翩然大江濱四顧無儔  
侶

### 香泉別去又得二韻

樓。落。葉。滿。山。秋。征。車。不。可。留。林。遮。無。計。望。腸。斷。夕。陽。

### 白秋海棠同應和賦

花。光。秋。色。有。無。間。低。映。銀。床。態。自。閒。說。與。多。情。應。  
破。涕。斷。腸。不。獨。在。紅。顏。

### 歸途口占

問。安。心。已。度。橫。塘。茅。饌。明。朝。手。自。將。料。得。慈。幃。頻。  
嚏。處。還。疑。天。末。話。高。堂。

### 蘄水棗樹道中山水秀絕可愛



今詩月身集選  
隔谿嵐翠撲籃輿。苦竹岡南十里餘。煙雨一峰猶  
嫵媚。不知晴霽更何如。

秋闈失意寄陳秀才向榮石進士文漣聶孝

廉兆薰

芙蓉霜冷未舒紅。閒憶吳儂與楚雄。但得及門皆  
國士。未妨空谷老文中。

錢

芝

紫仙浙江長興人雪篷詩艸

櫛山詩話紫仙以詩文受知于竇東臯先生。謂  
為浙西第一士。顧以歲貢生終其身。文人失職  
不能無慨于彼。蒼豐其才而嗇其遇也。酒杯亦  
要為君別。金谷而今似我貧。弱冠賦落花作便  
有思致。尊人夢潛先生。康熙庚辰進士。歷官給  
諫。觀察荆南。屢以剛直忤上官。著露蕭堂稿中  
有送三兒南歸詩云。宮花聊寄舍。館意我憶鄉  
園路不迷。一物了無行李。濟但教藤盒菜根齋  
其清德可想見也。

泛畫溪懷錢學士徽

兵火經前代。溪山落莫中。烟寒秋月澹。木落古祠  
空。孤棹王孫夢。千秋詞客風。沉吟江上望。此意與

誰同

東別箬潭

君來有日我無詩。萬恨都銷一皺眉。負却中秋同對月。譬如千里各相思。途窮老馬空嘶。櫪葉落西風。又別枝。猶有文章棄筐篋。行當把酒共論之。

陳浦筠曰清氣縈紆白描好手。

龍華寺

半山殘照雨初晴。苔迳縈迂杳不分。禪室忽於林隙見。鐘聲遠在樹梢聞。谿能遠寺停春水。石故當

門鎖暮雲他日身閒應老此。清後幽鳥已盟君。

臘月九日偕諸昆季探梅白谿艸閣 二首

冷風陣陣獵山溪。小雨霏霏散凍絲。遊興豪於將晚際。梅花好在半開時。野僧枯寺偏留客。曲徑危橋慣入詩。莫恨衝泥歸路遠。他時回首總堪思。釀雪天光一半昏。愁雲重疊鎖空林。肯為勝賞真知己。况有寒花是素心。高閣面山宜遠眺。歸途拄杖各微吟。幽香領畧知難盡。密約重來好共尋。

雉嶺懷古

孤城百里列江東。簫鼓聲沉伯業空。南北兵戈方  
逐鹿。君王詞翰自雕蟲。井泉嗚咽千年恨。杯土沉  
埋一世雄。遺事誰徵遺老盡。漠然山水夕陽中。

重九作

翫。麟。情。懷。搖。落。時。不。須。風。雨。動。淒。其。菊。宜。高。隱。酬。  
佳。節。人。自。悲。秋。欠。好。詩。笑。口。難。逢。還。隕。涕。茱。萸。欲  
插。正。相。思。斜。陽。獨。影。蕭。蕭。裏。只。有。哀。鴻。雲。外。知。

談二瓢曰激楚之音唾壺欲碎

素心蘭

碧沉沉裏玉光浮。佩結靄均湘水頭。春到十分非  
粉黛。山深千載有巢由。求之天上猶無侶。不必香  
來亦自幽。潔淨精微泰易象。解人領取韻長留。

樞山詩話三四詠素心蘭已極能事五六加一倍寫妙不可言文心貴剝蕉如此作未易到也

秋燕 四首選三

欲與西風訴暮愁。離騷真箇為離憂。斷烟深鎖空  
磯石。落月斜侵病妾樓。回首鶯花無限夢。驚心霜  
露一般秋。尋常莫問烏衣巷。衰艸荒荒不可由。  
艸軟泥香昨夢非。新雛睨晚故相依。幾行鴈信添

愁緒何處砧聲送遠歸臨水迷離嗟共影向人冷落惜分飛祇應得似蘇卿節猶與霜風鬥夕暉  
差池雙羽影廉纖風冷烟清孤月圓有客梁園嗟  
斷夢幾人金屋惜華年舊巢去住渾無主軟語丁寧總可憐問訊陌頭楊柳綠春光猶趁艷陽天

送別呂齋外兄

歡游如夢憶前年驀地分攜各愴然檻外梧桐桐上月清光此後幾回圓

漫興 十首選四

四海當時一子由三年不共硯田秋夜深那忍聞孤雁月冷霜濃正欲愁  
蕭蕭裊裊更霏霏兩岸霜風一葉飛繪出蘆花頂色相阿誰敢道畫玲瓏  
紛紛作者起當時小賦長篇各鬥奇不倩麻姑搔癢處多應不是性靈詩  
漫與詩篇長短書海山樓閣本虛無生天成佛多輕擬便合從人喚老夫

雪裏桃花

豈是妖嬈春睡濃。朝來不敢笑春風。茫茫薄倖君  
休訝。多半紅顏縞素中。

戊寅新正抄存舊詩一過感而有作二首

詩聖詩仙百代新。錦囊才調玉谿春。若從秀句推  
寒餓。豈必黃金鑄島身。  
三分語帶烟霞氣。一寸詩編十五年。殘雪孤燈寒  
晝雨。心光留與後人憐。

春日齋居

茅齋容膝也相安。伴寂纔移竹數竿。風送簾開知

雨。霽沉沉。新綠已闌干。

清明前五日得家書

家書到眼轉淒清。一片歸心觸處生。昨日狂風今  
日雪。分明阻我下山行。

負暄六首

築場納稼詠幽風。野老欣欣卒歲功。日午南檐  
手坐乾。坤元在太和中。  
迢迢千里犯征塵。茅店雞聲促向晨。割面尖風驅  
馬去。可知世有負暄人。

趙。衰。可。愛。溫。而。藹。風。雪。連。朝。快。放。晴。捫。蝨。雄。談。偏。  
露。坐。不。須。廣。廈。庇。書。生。  
田。家。生。計。幾。艱。辛。玉。練。槌。香。釀。共。分。一。笑。大。家。齊。  
白。醉。斜。陽。猶。自。有。餘。醺。  
冬。來。最。好。是。晨。曦。造。化。雖。公。負。戴。私。詩。思。灞。橋。驢。  
子。背。何。如。檐。際。掉。頭。時。  
凜。冽。風。欺。晏。子。裘。冬。烘。頭。腦。賦。窮。愁。冷。圭。當。午。差。  
堪。曝。一。曲。闌。干。盡。日。留。

山閣獨歸留別箬潭

拓。落。西。風。送。雁。行。歸。途。踏。破。一。林。霜。所。嗟。才。思。慙。  
坡。老。回。首。彭。城。夜。話。長。

此亦回首... 西風... 樹... 林... 木... 思...

朱實發

樹泉江南六合人飯石藁

楸山詩話樹泉詩有霜鐘秋磬之音無濕鞞敗鼓之響年甫三十所作古今體詩及駢散文已哀然數寸茲就見貽近稿汰其隨意爛熳之作而存其凝練道上者草碧湖外雲紅海東流彩居然奪目也

送裴春舟之白下

送子江南去春帆一葉橫晚潮瓜步水微雨秣陵城遠道魚書重人情敝帚輕客行何所慰望望別愁生

魏野塘曰三四似徐昌穀

過烏江項王廟

為問江東事。當年竟若何。英雄七十戰。子弟八千多。一失咸陽策。空聞垓下歌。我來驅馬過。惆悵對春波。

泊針魚嘴

繫纜針魚嘴。秋風九月初。夕陽孤客艇。高柳野人居。小市通江遠。清燈入水虛。忽聞吹角起。霜色渺愁余。

渡江將過黃天蕩

竟掛秋帆去。長江一帶橫。波聲挾地走。水勢與天爭。船自隨高下。人疑半死生。黃流聞更險。悚息客游情。

送蔣蘭溪之吳江

書劍三千里。風塵一老翁。挑燈收短劍。把酒聽歸鴻。此別梅花裏。相思明月中。題詩四十字。送爾大江東。

陳耳盦曰此一筆書也俊逸之至

春夜有懷



今言所見集選  
尋獨坐對孤影挑燈彈素琴離愁如水至竟夕發  
高吟

喜永陽武春江孝廉過訪  
四十年老屋住蒿蓬拂拭居然荷鉅公秋水冷圍巖  
戶外客星光照一堂中文章錯愛寒山石辛苦勞  
收爨下桐從此心香消不盡高燒一瓣爲南豐

送劉亦山還潞安  
天○外○寒○驚○雁○幾○行○送○君○白○卧○白○雲○鄉○一○家○妻○子○同○

行○脚○千○里○關○河○入○斷○腸○蕭○蕭○其○風○吹○暮○雨○蝟○蝟○者○  
蠟○閱○春○桑○故○園○大○有○檠○蕙○在○此○去○應○開○舊○州○堂○

李花樓曰聲  
調最近空同

方山道中

三○秋○羈○客○此○停○車○又○是○天○南○急○景○斜○萬○木○呼○風○趨○  
一○壑○亂○雲○捲○雨○散○千○家○人○迎○塞○鴈○穿○紅○葉○江○繞○寒○  
烟○入○白○沙○遙○想○西○園○舊○吟○社○菊○叢○開○徧○幾○枝○花○

一。遠。瀟。瀟。林。雨。蕭。千。寒。人。似。寒。風。卷。珠。葉。以。舞。寒。  
三。林。澗。響。此。前。車。又。長。天。南。嶽。景。林。蘇。木。和。風。吹。

式山道中

雨。景。淡。對。同。李。亦。對。日。體。微。閱。春。景。姑。園。大。林。梁。蘇。五。地。志。熱。開。書。快。堂。谷。湖。千。里。關。西。人。也。賦。微。微。其。風。如。暮。雨。灑。灑。微。

今詩所見集選

卷八

古歛黃承增心盒甫輯

李元滬

舒園河南密縣人鶴坪集

緒山詩話舒園廉吏之子少孤銳志績學與錢南溇同里以詩文齊名時稱錢李登戊子賢書屢上春官不第昌平陳伯思至手鈔其文詫于日下諸鉅公而法時帆祭酒目其丙辰闈中作為第一義并嗜其詩復報落浮沉校官十餘年始需欠將為令可謂蹇矣舒園自言于詩不苟作必求有物觀讀郁離子友石圖墨雲圖諸詩信然其送同官張鄴亭出宰長篇有云吾聞元道州受命干戈際握符矢安人盜賊竟不至至今春陵篇覽者出涕淚又云願覩瘡痍復佩擯舊俗易宏此絃誦聲壓彼戎馬氣末云當歌忽激烈撫膺載酸鼻送君兼告哀凡百采末議不

失古人贈言遺意其源  
出王仲宣冷然善也

讀郁離子九首

馱○隄○致○千○里○不○得○比○冀○產○棄○之○於○外○牧○逸○足○何○由○  
展○豈○無○玉○山○禾○或○以○飽○凡○蹇○天○廐○盡○薊○雲○嗟○爾○在○  
遐○遠○猛○氣○餘○伏○櫪○筋○力○坐○成○晚○矯○首○望○虞○泉○思○逐○  
周○王○輦○誰○為○攻○駒○者○悲○鳴○淚○空○潛○  
工○僑○得○良○柯○斲○之○以○為○琴○金○聲○而○玉○應○中○涵○咸○池○  
音○什○襲○獻○太○常○國○工○弗○敢○任○謂○言○製○非○古○安○許○參○  
招○倍○歸○謀○諸○漆○工○斷○紋○勞○刻○鏡○規○腹○作○古○篆○期○年○

埋○幽○深○出○適○五○都○市○一○朝○享○千○金○傳○視○頓○改○觀○聲○  
價○比○南○琛○豈○不○盛○光○寵○素○質○遂○抑○沉○咄○哉○世○俗○目○  
真○濫○無○由○尋○至○美○翻○成○賤○詭○遇○獲○十○禽○夔○曠○不○並○  
世○去○之○宕○冥○陰○  
竹○實○飼○鴟○鴞○焉○得○冀○鳳○鳴○玉○食○養○鼠○竊○安○能○致○俊○  
英○赫○赫○春○申○君○好○士○博○豪○名○闔○門○盡○珠○履○三○千○羅○  
廣○庭○一○死○李○園○手○竄○身○各○保○生○竟○無○能○報○者○遺○笑○  
落○冠○纓○國○士○如○威○鳳○得○一○已○足○稱○肯○與○刺○促○輩○啄○  
腐○共○餐○腥○不○見○丹○山○鷓○曠○世○悶○其○聲○

女○几○有○乾○鵠○巢○在○百○尺○枝○虎○出○叢○薄○間○百○獸○震○其○  
威○鵠○聞○競○呼○羣○相○隨○鳴○噪○之○與○君○異○飛○走○見○猜○毋○  
乃○癡○鵠○云○是○善○嘯○風○生○千○林○披○吾○巢○在○木○末○畏○此○  
顛○且○危○鷦○鷯○問○鸚○鵡○爾○胡○亦○在○茲○爾○本○穴○居○者○胡○  
爲○相○噪○爲○

天○吳○帥○百○靈○副○以○相○抑○氏○風○雷○衛○中○堅○鮫○鱓○各○礪○  
齒○掉○尾○碣○石○摧○韃○鬣○呂○梁○圯○大○起○支○祈○師○河○伯○驚○  
欲○死○靈○胥○謂○河○伯○員○員○乃○堪○使○終○然○領○九○夔○大○捷○  
批○敵○壘○乃○知○十○七○頭○不○如○一○頑○鄙○三○軍○貴○齊○一○師○

中○倚○長○子○耳○多○則○惑○聽○目○多○則○惑○視○道○謀○終○無○成○  
連○飛○或○中○止○寄○言○謀○國○者○幸○無○忽○至○理○  
激○湍○必○深○潭○高○邛○必○浚○谷○事○靡○屈○不○伸○理○無○往○不○  
復○斷○瓦○與○頽○垣○昔○日○艷○華○屋○荒○榛○與○斷○梗○昔○日○韃○  
瓊○玉○今○日○啼○蠶○地○會○奏○鳳○笙○曲○今○日○鬼○燐○場○會○熱○  
九○華○燭○綺○羅○成○飛○灰○芳○澤○無○餘○馥○但○見○荼○薺○茂○鳥○  
嚶○而○獸○躅○盛○衰○更○代○謝○晝○夜○如○轉○轂○東○陵○已○喻○矣○  
何○尋○季○主○卜○  
刺○漆○以○止○渴○其○渴○不○可○振○毒○水○以○禁○獺○魚○鮪○同○一○

燼兩存稻與稂良衰枯轉進并薙草與禾無年成  
凶饑夫豈種非良罔勿終交困遏抑造化仁違天  
適召愠安得訴后稷洋洋恢至訓  
蛇蠍見必殺亦或曲爲容寬忍判不謀二者將誰  
從或引殺人律傷成始罹凶未傷而輒殺毋乃非  
至公嗚呼異教興善惡成混同倒持貴賤柄甘作  
逋逃叢先聖除物害盪絕妖鳥蹤射以太陰矢引  
以救日弓迎貓與昇火何曾傷其冲蠢茲蘊毒者  
中人如矛種必待瘡痍見流惡夫何窮三復務本

言芟刈兼蘊崇

汎舟彭蠡澤平湖澄翠中桂檝澹容與苕藻交冲  
灑魚鰕抱日游一一乘虛空客云茲游樂吾將於  
焉終須臾雲作縷觸石蟠遙穹江天倏變怪蜿蜒  
走羣龍九淵殷萬鼓百石撞鴻鍾驚飈挾駭浪勢  
欲滔千峯孤舟從掀簸蹙慘迷西東天吳時出沒  
蛟鱓紛來從咫尺不可避森森牙鬣雄回舟魄欲  
死夢寐猶眩聾安危雜哀樂倚伏誰能窮嘗險乃  
知誌勿學亂流翁

月下琴興

松風瀉清露。檐牙光欲侵。天借一明月。照我拂素琴。昔遇成連子。為授太古音。敢云超諸有。聊足裁哇淫。對此一揮手。河澹星在襟。懷抱一以鑑。倏然無古今。曲終萬籟寂。人間夜沉沉。

入風穴山口

兩山鬱相對。一嶺橫閉關。策馬踰坡陀。杳然藏仙寰。峭壁無客土。萬柏排修鬢。極天滴蒼翠。疊石成古斑。寒流不出谷。幾折青瑤灣。夾岸篁竹密。幽處

瀉潺湲。磴轉忽開豁。危橋鎖風瀾。隱隱聞梵唄。心清遠林端。

由喜公池至桂香庵作

捫蘿風入衣。過澗雲生屨。導師指我前。清池引幽步。龍泓深不測。橫側諸嶺暮。金魚空無著。瑩若丹砂布。尋源穿飛閣。濺珠乃無數。鼓竹絡細石。泱泱崩雲互。却望桂香盦。佳處為少駐。松聲和微溜。遇賞輒成趣。安得抱琴來。山空寫深悟。

盛百堂日起十字得游山神理絕似小謝

嘯臺放歌

太行建瓴從西來。山勢崢嶸蘇門開。上有千年古  
樹攢怪石。下有百斛珠泉鬪沸爭灣洄。天風半嶺  
嘯鸞鳳。蛟鼉窟宅深蟠千丈藏風雷。衆峯倒影窈  
窕冲澗裏。交橫十里鏡月光徘徊。頗疑剪取吳淞  
半江水平地。鋪作雲錦堆。我上嘯臺巔。舉杯酌公  
和誰從問嘯旨。土室蹟已訛中散。感憤步兵狂。何  
似先生層霄一舉高。岌岌桃花流水自人世。豈必  
武陵之谿無干戈。後來康節子學易窮皇極。夏峰

晚閉關。講席立儒則一龍一蛇。吾道存回薄萬古。  
宕胸臆。清暉閣外千山暮。湧金亭邊迴鷗鷺。散髮  
猶識仙隱踪。凌風頓憶滄洲趣。右招成連子。左揖  
羨門翁。跣足還踏赤鱗公。麻姑宓妃紛相從。鳳笙  
龍管來虛空。翠蕤雲旂森曠曠。嗚呼此時之樂樂。  
不支古人已往誰與期。巧笑之嗟珮玉儺空留此  
語在左傳風詩。

劉其武曰逸氣  
縱橫兼有李杜。

題王生友石圖

古道今人棄如土。途窮烈士悲覆雨。管鮑雷陳不可見。只有片石堪對語。王生王生金陵彥。文采風流照梁苑。旅館蕭條病相如。今雨不來舊雨變。平生蘭臭有深託。下筆湘雲披素練。國香零落依閒門。俗眼將隨蒿艾賤。汜南蕭寺寄蒯緱。酒錢索莫空吟嘯。腕底風神窮不死。贈我數帙如琳球。更出一圖號石友。磊落盟心相與久。紛紛輕薄成交態。盛名坎壈古來有。於戲還君之圖。君勿嗟。君不見對面咫尺千褒斜。

董已堂曰一結又開洞壑感喟無窮

### 漳水祠迎送神辭

同年友天木孫子。以庚子北上。五鼓過漳水。車陷橋下死焉。是夜示夢于土人王士玉曰。吾奉命爲茲川神。將假館於爾。及明同行友張凌霄。李丕山。倉卒爲購櫬器。至士玉家。士玉恍然悟所夢。因出所蓄佳材以贈。其事土人至今能道之。閱十五年。臨漳令鬱林陳侯。乃因輿論。祔孫子主神廟。



中。以。書。抵。予。屬。爲。記。旣。爲。書。其。始。末。復。附。以。迎。送。神。詞。俾。歌。以。祀。昔。昌。黎。羅。池。廟。碑。志。柳。子。死。而。爲。神。事。或。以。紕。繆。譏。之。然。信。而。有。徵。未。可。厚。非。也。茲。仿。其。意。云。

衝。風。激。兮。波。離。披。虹。梁。摧。兮。驂。素。螭。騰。而。上。兮。天。門。列。缺。中。闕。兮。惟。帝。命。之。貝。闕。兮。珠。宮。靈。之。燕。兮。蛟。龍。馴。從。靈。朝。出。游。兮。鹿。谷。夕。稅。駕。兮。斥。邱。羗。誰。留。兮。馮。懷。極。浦。兮。思。悠。悠。媵。文。魚。兮。婉。婉。揚。翠。於。兮。紛。偃。蹇。椒。有。馨。兮。蘭。有。芳。與。佳。期。兮。桂。爲。堂。擊。鼉。

鼓。兮。會。舞。欣。樂。康。兮。捍。我。民。苦。愆。長。劍。兮。玉。珥。靈。之。歸。兮。宛。中。沚。千。秋。無。違。兮。自。今。伊。始。

趙忠毅公鐵如意歌爲張炎初賦

黃。河。古。岸。風。雪。驅。空。齋。白。日。蛟。龍。呼。張。侯。示。我。鐵。如。意。神。豸。一。角。形。盤。紆。森。然。正。色。不。可。觸。篆。紋。斑。剝。銀。花。鋪。銘。詞。之。後。題。歲。月。熟。視。乃。辨。熹。廟。初。代。州。戍。卒。骨。已。朽。姓。名。驚。見。華。星。俱。公。之。斯。器。製。匪。一。前。人。歌。詠。傳。其。模。欵。識。或。列。星。與。斗。茲。乃。上。繪。天。馬。圖。應。傷。指。鹿。思。請。劍。豈。悲。伏。櫪。空。擊。壺。國。是。

無鐵可鑄。錯惟公勁氣。雄千夫。憶當養癰成陰。闇朝品混淆。善類孤海內。三君想丰采。領袖俊及兼。顧厨澄清未。售擊奸志太阿倒。柄歸闕。奴茄花委。鬼天糝糊乾。兒假子紛。蟲蛆見泉無子。堪嗟吁。彪虎夜走依城。狐清流白馬成禍。樞萬死投荒。荷戈受膺滂。喬固無完膚。乾坤萬事不如意。恨血盈毗。張虬鬚邊城。時時一起舞。光怪凜欲驚。夔魑海水羣。飛事又殊西臺慟。哭社久墟。俯仰同盡。無賢愚。嗟爾繞指徒。區區公之手。澤神所扶。千金猶堪裝。

珊瑚茂先辨眼。識湛盧風前。把玩精靈趨。招此英魂來八虛。

舒園自註。庚子冬。觀於蘭陽官舍。黃赤城日。後半慷慨悲歌。神完氣足之作。

題墨雲圖

畫家潑墨工無比。前有王洽後二米。雲煙出沒山吐吞。翕忽變滅天機存。畫雲兼畫山。筆墨畦逕猶堪攀。終借林巒互鉤帶。未能鑿空出豪怪。誰與獨窺造化根。孤月炯炯天無垠。沈寥萬里正清霽。耳邊隱隱驚雷聞。奮袖風忽怒。乾坤莽回互。黑雲如

奔濤洶湧倏四布。沉冥中有鬼神入。鞭霆驅電千  
蛟立。咫尺便愁元溟翻。噴薄上汨冰輪濕。罅處猶  
露白。毫光魑魅儵閃走。且藏雲脚搏颺盡。東向岌  
岌勢欲崩。屋墻我疑畫者是龍精。使墨真如噓氣  
成。憑依自爲匪假借。爬羅元氣留其形。卽今旱勢  
燥。山嶽種不入土田。磽确安得眼前突。兀真致此  
爲君滂沱灑河朔。

周醒愚曰一結卽少陵廣廈萬間意。此詩家真命脉。近來詞人不講久矣。

舊劍

脫手何人贈。尊殘歌未休。蛟龍晴動壁。風雨夜鳴  
秋。舊掃煙塵迹。常輕細碎讐。持將誅亂領。不是爲  
封侯。

斷碑

搜羅關史籍。片石重璠璣。風雨千年後。江山百戰  
餘。村春留石鼓。野火失秦書。作者吾誰與。心游天  
地初。

秋笛

羌笛起邊聲。離愁一夕生。魚龍回夜水。風月入關

清搖落悲楊柳。羈棲尚甲兵。悠悠千里道。誰解此時情。

舒園自註第六句用杜句

蒹葭

離恨滿汀鄉。人今水一方。行吟思共遠。漂泊鬢俱  
蒼。叢長露春露。花搖近夜霜。哀鴻棲宿急。且勿嘆  
摧傷。

除架

瓠落竟何用。寒侵青蔓除。歸根識物理。回首驗盈

虛。院淨霜清後。窻空日上初。願留碩果在。旨蓄及  
冬餘。

廢畦

玉盤春薦後。嫋嫋及秋風。籬落嗟成晚。青黃半已  
空。餘芳猶歷歷。生意苦怱怱。味薄應蒙記。靜言思  
始終。

秋風

沙振蓬飛旅雁驚。天虛雲捲暮烟清。曾聞落木騷  
人怨。乍喜登臺病骨輕。鐵馬嘶空吞楚塞。石鯨蹙

浪記昆明飄蕭短髮渾無賴又送樓頭畫角聲

秋雨

漠漠川原帶積陰入秋風物鬱蕭森芭蕉窻碎三更  
柝蟋蟀聲殘千里心舊雨來稀苔徑滑聯床人  
隔雁書沉那堪又報重陽近恨結潘生七字吟

秋月

八載慣看異鄉月宵來星露又深秋關山鏡底頻  
聞笛砧杵聲中正倚樓玉宇乘風如不隔金尊對  
影許相酌征人此夕盡迴首別是天涯萬里愁

秋露

菊秀蘭衰夜色熒離離萬點墮空青月明荷浦擎  
初滿風細林塘瀉未停抱葉寒蟬時咽響警宵老  
鶴一梳翎金莖佳氣長霄漢歲晏愁吟蔓艸零

秋山

每上城頭望太行秋屏過雨更青蒼遙從歸雁行  
邊出淨向晚楓明處張蘿洞新霜懸薜荔松門落  
日下牛羊地偏忽憶東籬叟真意悠然辨已忘

秋水

長天混碧接青霄。一曲滄浪隔岸遙。別浦芙蓉思  
瓜。瓜荒。陂沙柳晚。蕭蕭空濛露氣迷。漁艇明滅斜  
陽。卷畫橋。獨抱南華叅妙義。不須更賦廣陵潮。

秋色

萬里蒼然望欲平。似無色處最關情。愁隨落照烘  
皴。出澹倩新霜。點染成亂水蒹葭。悲餞雁西風黃  
葉。怯登城。畫圖只愛瀟湘好。擬棹孤舟問杜蘅。

秋聲

不是清砧薄暮催。非關過鴈入雲哀。空庭樹老千

漚發良夜風生。萬馬來孤妾。停機燈欲黯。羈人伏

枕夢初回。商弦數撫難為寫。悽斷廬陵作賦才。

畢靜山口鶴坪律體神  
明規矩深得杜蘇神理。

題畫

碧空翠不可名時。見空翠滴荒亭。四無人。一抹秋山

長信夏

龍池一夜雨。輦道新苔滋。團扇非輕棄。宮深暑未  
知。

雨止絕句

夕。修竹雨餘清。幽光澹相射。瑤琴嬾未張。默坐水容。

采蓮曲

艇子搖兩槳。湖水平如鏡。驚起雙鴛鴦。飛過采香徑。

蘭橈繫綠楊。佳期暗南浦。渡口長潮痕。相思一夜雨。

女伴紛折贈。儂獨惜顏色。踟躕攬明璫。日暮空塘。

側。

入都口號

金門十上笑空勞。燕肆重來感二毛。祇恐酒徒零落盡。和歌無復舊荆高。

真州絕句

十五雙鬟彈晚姿。白沙洲上暮潮時。愁心歷亂如江水。那更臨風聽折枝。

雙雙轉如金白心西土暮聞神

真賦餘詩

盡賦餘詩

盡賦餘詩

四十土矣空發熱舉重來風二手

人瘠口

何紹寧

東賓浙江會稽人綠雪堂稿

儲山詩話何第五東賓秀才古今體詩純學放  
 翁得其三昧狀溪山風物為尤工予久客塵中  
 每當風雨懷鄉或俗物敗人意時輒取綠雪堂  
 集披諷數十首覺水村林屋歷歷目前不啻如  
 讀宋元人妙畫好詩能移人性情如此畧摘佳  
 句於左危杉疑鬼搏靈鼠作禽飛蒼苔存敗壁  
 移竹等來朝年荒仍有酒鄰少亦成村小艸扶  
 行履微禽曉醉翁落葉風驚犬明燈晚聚漁溪  
 衝斜引路松碍別開門蘆深秋落鴈溪響夜扳  
 層野紅春燒發山黑暮烟屯村分綠樹接山斷  
 得雲連白艸紅鵝城下路破籬矮屋水邊村溪  
 雲不雨常生黑山葉無霜也帶紅溪鳥挾烟投  
 浦口山雲扶月上林梢斷崖石露迴潮後老樹  
 花開作雪初夜久星河在檐宇天寒風露濕衣  
 衫招隱賦將叢桂樹  
 論交心折欵冬花



秋夜有懷

半。睡。不。成。夢。徘徊待明發。寒蟲併一聲。餘韻散林  
樾。風。琴。搖。薄。颺。靈。河。渡。殘。月。故。人。天。之。涯。萬。里。阻  
窮髮。

同予叅上人步月

林塘自幽靜。逕路更迂折。中有梵王宮。不與村舍  
接。錯錯傳鐘魚。朗朗躍蜻蛉。清輝一流照木末。紛  
殊絕。我性本蕭遠。此境復清澈。獨與山僧期往來。  
踏松月。

王菴圃曰明淨  
無塵以簡潔勝

月下煎茶

一雨晚來過。風吹落松子。茶煮竹根鑪。清響砭人  
耳。聽罷猶冷然。月出踈篁裏。

曉泛

黏塗一片雲。心知夜來雨。好風為吹開。諸山翠新  
吐。澎湃流水聲。響若雷門鼓。蕭疎遠樹形。妙出丹  
青譜。便以詩追摹。却嫌語粗鹵。舟子無雅情。趁力  
鬥雙櫓。

發漓渚至佳山作

一路溪聲迎。一路溪聲送。詰曲入亂山。欲速不得。縱林合望若絕境。轉天宇空平。疇四際開。土俗勤。畊種書篆。膝鈎帶。濺花水。戰閔岩翠。含冷光。竹禽作奇嘒。蔀屋誰氏居。髣髴桃源洞。日晚且息肩。畦蔬摘清供。壺觴意不竭。塵務苦倥偬。明當鞚驢去。念此杳如夢。

昌樂山行 選二

征。人。先。鳥。起。殘。書。束。驢。背。出。門。眺。寒。林。村。遠。浮。若。

薺。曉。日。開。瞳。矓。石。路。蜿。蜒。細。危。崖。矗。百。仞。惆。悵。谿。壑。閑。豈。知。曲。逕。通。觸。目。紛。霧。異。破。屋。媚。山。花。橫。橋。牽。薜。荔。青。綠。雜。丹。黃。置。身。畫。圖。際。齒。齒。驢。蹄。鳴。常。憂。筋。骨。脆。十。里。九。躑。躅。時。選。茂。陰。憩。惜。此。山。水。情。勞。勞。跨。征。騎。

雲。彩。幻。游。龍。袞。袞。日。奔。逐。一。時。同。行。人。前。後。失。遙。矚。多。辦。油。絹。囊。欲。攬。不。盈。掬。好。風。忽。吹。開。半。天。掀。羅。幕。叢。林。轉。茂。密。四。山。靜。寒。綠。杏。子。參。差。紅。櫻。桃。次。第。熟。時。鳥。嘒。緡。蠻。鮮。花。生。芬。馥。搜。奇。兩。日。程。詎。

今詩所見集選  
仿謝公躅常令饒勝情自與佳境屬度壑穿板橋  
石齒漱寒玉

閩榮園曰吾鄉景物寫來如畫  
秋窻三復益添我田園之思矣

自題鐙驢戴笠圖

我從濤洛回一路多秋色青蒼四面山  
繾綣恐相失溪響哀玉圓野棗辰砂赤  
雨工恣翱翔白雲全出入我住驢欲行驢  
緩我轉急顧彼田舍翁情重假臺笠須臾  
日氣曛袖染烟嵐碧伸紙爲此圖笠背尚餘濕

汪思泉曰逸致閒情佳句妙染傳  
之後世亦何減東坡笠屐圖耶

雪霽與謝麟坐池上寫圖賦詩

昨夜南山一尺雪池上何人早掃潔旋攜筆硯坐  
其間人笑我癡君亦癖君癖乃能作圖畫就中寫  
出忘真假山脚無人泊雪篷林梢一角露  
我與君欣得偶三尺素箋一壺酒倚醉高歌位置  
奇風流不愧樂天否

東賓自註白樂  
天有池上篇

鷓鴣捕魚歌

柳陰濛濛一聲笛無篷艇子紛絡繹鷓鴣吐雛連  
五六長喙利爪勁於鐵朱繩繫頸來捕魚漁父指  
攜儼部卒翻身一躍入波底追亡直到鮫人室船  
頭擣鼓助聲勢水百迴篙與迅疾隔浦俄驚銀浪  
翻鷓鴣突出沙心立大魚鱗脫小魚僵船尾半堆  
秘呼吸夕陽漸紅江轉綠漁父艇向蘆花集竹簟  
滿背鯉風吹銀錢輸買五侯宅誰念鷓鴣恒苦飢  
飛上橫木涼翅濕

題畫龍

山人好龍過葉公。喚得畫師寫真龍。筆底溟濛走  
雲氣。鱗爪蜿蜒吹鯉風。忽憶前庭渺煙霧。月黑不  
辨溪南樹。雷雨驚從卷內飛。畫龍出與真龍去。

題仇與橫幅山水

素衣化盡風塵陌。百花臺老天涯客。生爲山水窟  
中人。飄零頓捨羅含宅。先生之巧天與成。解衣盤  
礴寫肝膈。撮筆亂抹總精神。寒光紙漬墨花出。松  
撐欲墜不墜雲。藤絡將崩未崩石。雜花窈窕谿澗  
深。小著危橋莎徑碧。一翁負手仰山勢。多少角圭

今言所見集選  
森玉立。撫琴動。操衆籟。生故鄉。岩壑他鄉得。氣韻  
超脫。摹石田。凹凹凸凸。虛齋壁。夢魂飛向五岳前。  
片時療我烟霞癖。

漁家

夕照。晚江步。蘆花屋。幾層退潮安。蟬。蝦。蝦。過雨晒。漁  
罾。飯。煮。雕。蓬。米。香。燃。蚌。殼。燈。掠。斜。溪。兩。岸。相。喚。輒  
相。鷹。

夜與馮五投湖上寺

積雨風吹斷。翻嫌月驟明。共移孤櫂去。相約扣禪

荆。漁火穿蘆出。江星入樹瑩。到門僧罷講。頓欲悟  
無生。

對茗

小閣雨初收。茶香靜夜浮。松聲徐出鼎。燈影倒沉  
甌。薄暑堪忘睡。清吟足散愁。蒲桃棚下坐。不負月  
如鉤。

汪菊人曰第四  
句靜穆之極。

夜泛

向夜秋風起。兼之好月饒。樹聲微有辨。山影遠難

描就岸編蘆屋。因溪架板橋。荒村無刻漏。清磬出僧寮。

王印潭曰淡遠雋永此畫家所謂惜墨如金也。

### 奉懷四兄

瑣悉籌鹽米。晨昏奉老親。念兄勞至此。使弟愧爲人。風雨他鄉客。池塘夢裏身。對床舊約在。漂泊轉傷神。

徐荇浦曰三四至性至文。

### 泌湖晚歸

來歸湖上晚。心亟路迢迢。山逼人防虎。秋深樹尚凋。船燈依遠岸。漁鼓答寒潮。不用愁昏黑。樵青隔浦招。

### 燕至艸堂定巢

無處堪容膝。終年賃艸廬。何期雙燕至。亦卜一巢居。烟徑掠花暖。綺窻驚夢餘。春愁共飄泊。相對我憐渠。

### 許山浦

灤水滿漁汀。清曠極窈冥。烟衝孤塔白。波倒數峰

青。鴨。鴨。蒲。根。浴。鶯。鶯。柳。外。聽。何。當。攜。酒。榼。來。問。墨。王。亭。

鄰惠山礬插瓶中

正。有。栽。花。興。而。花。抵。葦。門。因。添。斗。室。趣。亦。見。古。風。敦。妬。蝶。窻。泥。紙。憐。香。水。作。根。對。之。文。思。活。醉。以。酒。盈。樽。

春晚

春。好。去。忽。忽。春。城。雨。又。風。蛭。沉。芳。草。裏。人。在。綠。窻。中。老。柳。狂。吹。絮。新。篁。小。作。叢。莫。嫌。花。事。了。猶。剩。滿。

條紅

東賓自註滿條紅花名

秋葉

紅。黃。千。樹。葉。霜。染。色。多。勻。老。女。有。餘。態。寒。花。疑。借。春。無。風。時。自。墮。向。日。看。尤。新。舊。咏。須。翻。案。秋。林。不。似。貧。

東賓自註古詩楓林秋色貧

蟋蟀

似。亦。驚。秋。至。聞。聲。不。可。尋。依。人。來。宇。下。出。穴。語。花。

陰響亂空階。月清連少婦。砧西堂。宵夢斷爲汝一  
沉吟。

寄姜十四學湖

陌頭芳草妬青衫。采寄江南伴一緘。舊夢花枝春  
寂寞。新愁燕子語呢喃。惟君長荷劉伶鍾而我還  
持杜甫鑱。欲向東風問安隱。人窮詩品定非凡。

六陵懷古

寶山隧道簇荒邱。指點葦宮恨未休。雪窖空思歸  
馬鬣。海天何用憾龍舟。珠襦玉匣全無迹。金鴈鈿

蟬更莫求不見。萬年枝上鳥杜鵑啼在古松頭。

小青

焚餘有草亦堪憐。天妬娉婷自昔然。夢雨荒唐巫  
峽在。春風省識畫圖傳。牡丹亭是癡心曲。楊柳枝  
非後世緣。漠漠香魂招不得。六橋花裏一啼鵑。

詠被

秦川機杼幾艱難。製就棉衾號合歡。輕暖尙思聯  
百幅。高眠儘可擁三竿。相思應結宵中夢。畫字真  
須破處看。却苦今年風雪緊。無因得覆九州寒。



訪孟二熊不值歸移石竹下俄孟二偕周三  
夢齡至喜賦

為訪雲卿不值還誰知荆共艸窻班正移片石安  
池上却供三人坐竹間蘋尾自跳魚撥刺白頭相  
語鳥緝蠻酒酣碁罷爭扶影秋樹根留夕照殷

釋竹軒曰妙處在字字易字字真詩以性靈為主何嘗教賢掘着葫蘆蓋子作古董店陳設耶

湖橋秋眺

小着平橋幻彩虹閒來眺望鏡湖東日沉山嘴烟  
先合秋入林梢葉半紅沙渚雙鳧閒泛泛寺門獨

柳晚濛濛哦詩畧盡荒寒景更擘魚箋付惠崇

張雲池曰似魏野林逋一輩人語

野艇

瓜皮艇子罩烏篷結構應煩幾許工不比筍輿盤  
詰曲何如桂楫任西東看山竹杪春煙外把釣蘆  
碕夜月中便與孟婆澆福酒來朝休使打頭風

秋夜飲桂樹下

厨婢傳言洗破鬕畫欄作意桂香清歲荒酒味嫌  
酸薄秋晚花苞坼紫頰故舊年來頻雨散文章醉

後覺風生騰騰兀兀癡頑甚不覺茅簷澹月明

次日復題湖上

晴向湖頭日往還雙柑愛聽鳥緡蠻水偷樹綠歸  
船底風奪荷香與葦間杳杳漁歌煙外浦亭亭秋  
靄望中山扁郎數過成相識早有蘭橈埃港灣

移寓

詎同鮑葛舊移家葯裏書囊不滿車暖屋共傾金  
谷酒討春還鬥玉川茶一巢新壘銜泥燕三匝曾  
驚繞樹鴉誰續輿圖傳歷下庭前記我手栽花

濟南春興 六首選一

閒將劫火問乘除莽蒼雄圖幾廢墟古塚夜號金  
偽帝叢祠春賽鐵尚書風淪月倚騷人詠雪北香  
南衲子居惟有峭華春不改曉來蒼翠滴衣裾

曉

柳。漢。曉。微。茫。知。有。夜。深。雨。舟。行。不。見。人。但。聽。烟。中。  
鷺。

虎邱

勺泉騰劍氣拳石悟經聲俠骨鳥知哭香魂花與

爭

徐朗夫曰二十字可抵一部虎邱志

題夢月圖

冬夜不知寒。為與冰輪共。酒闌月轉高。擁入梅花

鑑湖晚歸

春水遙黏天上雲。筍皮船子晚紛紛。寓錢社酒棠  
梨道誰奠楊公四尺墳

東賓自註楊定國明中書舍人奉使至越殉國變其友范會葬之賀家池傍

湖中

雨。浥。楊。花。落。水。香。布。帆。婀娜倚斜陽。棹郎為指城  
將近塔影迎人漸漸長

山陰黃令女瘞神洲殿後沙令女亦瘞於側

兩塚間生芙蓉樹因號芙蓉塚

細路陰崖極目荒。寒烟殘照兩茫茫。朔風吹墮芙蓉  
蓉片盡是清愁不是香

秋夜有感

霜覆茅簷月滿庭。於今貧病卧林垌。亂藤苦竹聲

摩切猶作風濤枕上聽

哭酒家

泡影無端隙過塵。生芻一束淚沾巾。碧林紅葉青山道。此處遂無賣酒人。

高實菴曰詩有說盡而實不盡者東廡此作是也

同人湖上

芙蓉萬柄綠雲饒。隄北隄南鳥語嬌。待得晚來雲翳散。月明同上水仙橋。

暨陽道中

六首選二

策蹇尋幽過上方。滿林榭葉晚蒼蒼。秋山匹似詩人瘦也。聳寒肩對夕陽。

鶴隨雲影度山腰。飛上枯松踏折梢。恰有老人扶一拐。斜肩柴担過溪橋。

黃赤城曰東廡精繪事故所作饒有畫意

歷下春游詞

十首選一

金綫泉邊花倒吹。滙波樓下柳垂絲。曉來一陣紗窗雨。愁絕春寒病起時。

湖上晚步

柳下漁家半掩門。未殘荷葉大於盆。斜陽一抹寒  
林角。畫出江南雨後村。

三角樓晚眺

西風敗葉下颼颼。向夕登臨起客愁。萬點寒鴉一  
輪月。秋光多半在城頭。

水簾泉

振衣高處逼雲衢。濺沫懸流倒玉壺。應有蟄龍春  
未起。翠崖故隔一簾珠。

荻花

雙竿酒幔平橋外。六尺蒲颿古渡頭。不雨溟濛還  
似雨。梢梢葉葉冷殘秋。

巴孟嘉曰。作者以峭潔  
瘦硬擅長。倪黃皴法也。

尋春

楊柳河橋被禊辰。半來掃墓半游春。却從花底參  
差見。畫板秋千獨立人。



人洞裏花無數。螭駝鶴駕排雲霧。縹緲虛無十六  
天。月明山下劉郎路。劉郎采藥還蓬萊。晴巒疊錦  
石門開。服食雲母顏色澤。仙籠長待樂天來。要離  
塚畔青山在此境。惟君識真宰。虹霞吹落金銀宮。  
只合飄然任雲海。一劍冲霄秋水青。雙簫響徹太  
虛冥。安得飛身入谿谷。長倚蒼松化茯苓。須知君  
語皆寄託。是處高山可歌哭。杜陵老大貧無家。不  
如餓死填溝壑。

王印潭曰。浩浩落落。有江湖空涌之致。

秋山

指點仙鬟秀。煙消見遠山。蒼苔斑古洞。紅葉醉秋  
顏。坐久逢僧冷。行來覺我閒。遙知峰外路。雲樹隔  
人間。

秋苔

屐齒閒過處。秋容染翠苔。色從烟外辨。衣向石邊  
裁。細路愁痕遠。荒園古意來。年年風雨迹。點綴上  
層臺。

秦松嵐曰。頸聯的是絕唱。

春雨

二月河無水。春郊失遠潭。經旬辭木屐。一夜濕烟  
髮。絲繚桃花亂。泥融燕子慙。傾盆大如塊。時雨落  
江南。

張雲池曰五六  
秀稿結有氣勢

游狼山

拂袖臨危磴。呼朋載酒過。山樓官舍熱。僧面亂雲  
多。無路尋香艸。何人賦息窩。待看車馬去。斜日住  
杉蘿。

雨後登狼山

靈廓開詩境。烟消欲盪胸。夕陽高不落。遠樹淨生  
濃。面目山如浴。乾坤我一筇。喜他翠微滑。來往少  
塵蹤。

徐朗夫曰第六句比  
乾坤一草亭更健

約園四首選二

皂隸催科急。何曾到竹門。荒年茅屋苦。閉戶秀才  
尊。事業傳枯管。家風述借園。主人振衣起。霞舉一  
軒軒。



今言所見集選  
樹借鄰家綠花憐蠟炬紅世人三窟就我輩萬緣  
空愛客因栽菊肥奴學種菘何時揮素壁墨竹寫  
文同。

和竹人立秋書懷

天漏連宵屋有魚斜風膩雨入更初清於我輩秋  
應似淡到荒齋水不如尙藉高梧資點綴好憑畫  
竹寫蕭疎家傳宋玉愁偏慣莫怕蟲吟四壁噓  
六月大雨二晝夜田禾幾漂泊感而有作  
連宵何止勢傾盆三尺平添水到門亂我愁聽忘

倚枕簷牙一滴一銷魂  
一聲河滿不容刀河外家家理桔槔事到急流難  
勇退沒波濤地有波濤

傷亡僕錢巧

辛勤曾學武公幹頭白猶能事我遊記得去年春  
二月枯碁三百廣陵舟

二日林基三百韻對世  
辛健會學九公神服白龍  
謝山對發江  
良哉此州新  
一贊所漸不容  
謝林歡天一

王祖昌 秋水 山東歷城人 秋水詩

橫山詩話鐵冶亭制府劉岸淮都憲最愛秋水  
詩鐵先生之言曰近言詩者矜風韻不崇氣骨  
故終身以詩鳴總無是處秋水世其家學又能  
自立崖岸不寄人籬下多可存之作劉先生之  
言曰昔漁洋好汲引後進士倚之以成名若王  
秋史崔不雕費此度不能攬指秋水實漁洋近  
裔詩清微圓妙不在諸子下世有漁洋其人乎  
必能激賞之以張其軍也兩先生宏獎風流月  
旦若此一時頓有兩漁  
洋僕謂秋水可以無憾

宿鐵牛廟夢義方先生餞別却寄佩銘

暮宿鐵牛廟野雲滿徑黑欲渡川無梁淺深不可  
測。獨。自。立。沙。汀。徘徊空歎息野人孫作舟引我入

石室舉目誰爲歡。但聞夜風急。恍見蘇夫子。餞行  
撫瑤席。坐對王與楊。抗言如在昔。雲山幾千重。跋  
涉來不易。更進一觴酒。告歸勿太迫。欲叙平生親  
恍。恍。難。再。識。夢。破。曉。雞。聲。滿。庭。明。月。色。夫。子。沒。已  
久。離。心。猶。惻。惻。可。知。師。弟。情。不。以。死。生。隔。悵。然。憶  
當。年。令。我。血。淚。滴。早。起。治。行。裝。遠。過。大。山。北。中。道  
逢。驛。使。寄。詩。東。海。曲。海。曲。旣。已。遙。不。見。柯。峰。碧。

秋水自註。大  
山在莒州東。

### 平臺

平。臺。風。蕭。蕭。日。暮。天。欲。雨。蒼。茫。問。霸。圖。管。樂。俱。黃  
土。隔。水。眺。齊。城。大。半。成。荒。園。

### 月夜同劉顧溪游宜園

明。月。滿。空。山。西。園。萬。籟。靜。主。人。邀。客。來。散。步。踏。花  
影。冷。然。夜。風。清。不。覺。塵。慮。屏。閒。登。卧。松。亭。風。物。更  
清。迥。寥。空。有。孤。鶴。飛。向。神。山。頂。下。視。人。間。世。悠。悠  
皆。幻。景。好。結。無。情。遊。天。光。相。與。永。

### 贈姚少府燦

君。家。住。江。南。我。家。住。江。北。石。上。悟。三。生。天。涯。如。一。

室。春風起花朝。微雲捲月夕。興來便相訪。不遇意亦得。

周南垣曰  
具體漢魏

同劉韶音坐月再用訪法庶子韻  
待月坐閒階。滿懷冰雪冷。更有淡蕩人。同此清涼境。團樂出東海。皎潔照西嶺。小院凝水光。虛窻上花影。

與同學諸子陪寄菴先生游大明湖二首

放舟鵲華橋。湖面菱荷淨。秋水清若空。羣魚戲明

鏡。吾黨亦逍遙。悠然適天性。

蕭寂歷下亭。垂柳生秋色。白社掛詩瓢。青山入畫壁。長吟懷古人。湖煙冷秋夕。

秦松嵐曰冲澹  
處塵全都盡

桐軒

半牖梧桐影。山月何皎潔。寒光流小軒。滿地白如雪。美人隔千里。此夕應愁絕。

廬山歌贈孫史南兄弟

廬山西下深且長。烟巒四面雲錦張。玉泉琮琤赴

大壑白龍騰躍穿石梁。盧生昔日來避世。服丹岩  
洞曾休糧。白日昇天去不返。至今瑤艸餘清香。孫  
郎峰下築石室。道書細讀秋樹旁。酷似茅家好兄  
弟。修真共向山中藏。我踏冰雪遠相訪。北風捲地  
清宵涼。獸炭屢添銀葉火。含情共對燈燭光。忽憶  
昔年杖筇竹。與君傍曉登高岡。飲酒臺上一長嘯。  
鯨波萬里來汪洋。須臾金柱湧紅日。燭龍啣曜連  
扶桑。縹緲三山衆。仙下銀空金闕生。光芒未得飄  
然御風去。海天極目空青蒼。一別仙山五六載。京

塵滾滾緇衣裳。夜靜金臺上秋月。相思千里幾斷  
腸。窻紙虛明不能寐。蓮花漏永聞丁當。今宵促席  
復相見。早梅花下飛千觴。還期與君煉真骨。深山  
大谷任相羊。丹竈火青長不死。共騎彩鳳相翱翔。  
衡水縣署中李明府雨樵出其中秋泛月之  
作見示因爲作歌  
朔風掠地聲颼颼。月光滿院如水流。更深乍喜對  
故友。高燒樺燭琴堂幽。開樽倒篋出新咏。琢句字  
字窮冥搜。最愛中秋泛明月。滹沱河上逍遙游。午

夜攜客登畫舫。玉簫金管隨歌喉。依稀鈞天奏廣  
樂。翕然高會神山頭。如此良宵更仙侶。詩成得不  
凌滄洲。繫予是夜客濟水。鵲華橋上開雙眸。金波  
萬頃冷浸骨。一聲孤雁明湖秋。相思千里不相見。  
獨看螢火流空樓。更憶去年值此夕。迴舟北渚聽  
千漚。風吹蘆荻聲作雨。蕭蕭颼颼鳴不休。新詩唱  
和天欲曉。狂歌驚起空潭虬。今年獨宿怨遙夜。不  
知君亦相思不。茲游已往未得預。縱欲追逐無緣  
由。請君重爲河上約。飄然同坐沙棠舟。舉杯邀月

同一醉更於塵世何所求

訪李紹聞

空山黃葉落。偶動故人情。曲徑穿花入。深林載酒  
行。日高茅屋暖。霜下竹籬清。共話田園樂。那知夕  
霧橫。

陶澹山曰高  
潔極自然

蘇寅承西園納涼

小憩西園裏。披襟納晚涼。海風來迥野。山翠冷斜  
陽。水點蜻蜓碧。林垂杏子黃。清言不覺暑。無事酌

寒漿。

題法海寺雲瑞上人房  
細雨晝霏霏。披簾上翠微。寺前山翠冷。殿下海雲飛。夜靜聞疎磬。僧閒補衲衣。蕭然塵世外。相對兩忘機。

逢李聖泉

二十年前友相逢。歎落暉。語音猶未換。顏色竟全非。幽澗松風遠。空山鶴影稀。終期守吾道。靜掩故園扉。

湧水寺

飛空山溜下。暗入寺中行。泉水當階湧。秋風滿院生。僧聞應見性。鳥語不知名。靜坐樓臺上。詩懷永日清。

陳玉山曰起二十字作一句讀乃見其妙

雨泊張家灣

北望京華近。愁生水驛傍。風聲連海迥。雨氣入船涼。飄泊何時已。蕭疎祇自狂。滿箱載書畫。誰識米襄陽。

初夏即景

喬木清陰廣空山。白晝長逆風聞。煮繭臨水看分。  
秧魚戲吞花影。鴉飛背夕陽。悠然皆自得。即此是  
羲皇。

鄭鴻亭曰。前六句。酷似姚武功。

平陵道中曉行

早起獨西行。滿懷秋意生。月光懸古堞。蟲語響空  
城。天末涼風起。林間夜露明。龍山知不遠。烟外曉  
鐘清。

途中立春有感

驅車海上逐飛塵。海國風光入望新。小苑鶯聲初  
報曉。高陽酒味更宜春。宵長每作還鄉夢。地迥誰  
憐久客身。此日梅花開故里。清香滿院待歸人。

陳玉山曰。舒徐不迫。猶是唐音。劍拔弩張。便落宋調。

懷李紹唐

亂峰深處開三徑。天外孤鴻入杳冥。竹榻去年因  
我下。風泉別後與誰聽。春歸石上生芝艸。秋老松  
根長茯苓。何日扁舟乘興去。海山攜手看銀屏。



鄭鴻亭曰清映古峭四字兼有

送劉寄菴先生出塞

陽關唱罷欲何之一夜聞笳兩鬢絲夢返滇南應見母身流塞北止攜兒天山雪霽重裘冷瀚海冰堅渡馬遲不得相從破蕭寂春風空憶絳紗帷

程禹山曰寄菴為秋水第一知己故言之沉痛可與陳迦陵祖母秦州父錦州之作并稱絕唱

病起漫興效劍南體六首

山人歲晚病新痊負手行歌似散仙舊好到門無俗客新詩和韻有高賢漫愁白髮生明鏡且喜清

樽對雪天醉後不知人去盡一輪霽月照閒眠却怪山妻太護持猶嗔涼夜苦吟詩君如萊婦鋤田日我似劉伶戒酒時報曉天鷄驚遠夢鳴春好鳥據高枝如何聽汝相憐意竟把癡情讓愷之清晨高卧日三竿靜待佳兒送早餐布被一床常覺暖冰花滿院不知寒鄰人乞火敲門響凍雀迎春繞屋觀聞道庭前堪曝背起來才拂舊塵冠病回真是再生天檢點空囊又悵然頌德絕無金管筆書情那有彩雲箋踈窻月曉筠陰滅閒院風

清鳥語傳。偶得新詩遲。上卷燒枝寫。向粉牆邊。  
 尙怕狂風遇。石尤出門裝。點不曾羞紅巾。單首如。  
 新婦白髮垂。肩似老囚稚子笑。迎爭鼓掌行人驚。  
 見盡迴眸惟愁寫。入丹青裏難把生來面目留。  
 歸途一片晚煙遮。臨水柴門是我家。望遠兒童登。  
 石笋更深老婦剪燈花。醉容乍見驚年少。倦眼徐。  
 開覺力加煩渴相如須健飲。風煙先煮一甌茶。

秋水自註新詩和韻有高賢謂奇菴先生也。  
 楮山詩話題是漫興兼效劍南故不嫌俳諧盡  
 致余選秋水集錄此數首亦猶元遺山中州集  
 中有香雪亭俳體詩覽者勿謂擇焉不精可也。

和寄菴先生秋柳限年字時先生將南歸矣  
 大江東去水連天。衰柳千條咽暮蟬。笛裏清商吹。  
 別曲渡頭黃葉送歸船。梁園寂莫悲秋日。張緒風。  
 流憶少年迴首不堪頻。恨望斜陽踈影灞橋邊。

楮山詩話亡友德樹盒好揄揚人嘗誦無名氏  
 詠春艸起句記得當時我別家青青直送到天  
 涯歎為前無古人後無來者使樹盒而在得見  
 秋水此詩起句又不知當如何逢人說項耳。

懷法學士時帆

薄遊昔向京華去。幾度談詩到艸堂。結社有情惟。  
 愛酒退朝無事但焚香。秋天一別鴻千里。雪夜相。

思月滿廊。聞道石帆新作號。風懷知是慕漁洋。

謁鐵冶亭先生

偶思欵謁聞詩法。便棹山陰雪夜船。幾輩詣門驚  
倒屣。一時接席喜開編。花欄清曠無塵事。石室虛  
明有洞天。但願仙人揮玉斧。好修月魄十分圓。

歸家

廿年到處看名山。今日歸來兩鬢斑。分卷詩文纔  
倒篋。捧杯兒女盡開顏。門前舊有園三畝。谿上新  
成屋數間。從此安居應有分。多栽花竹待春還。

懷李元明

日落超然臺。杞菊時滿把。古人不可見。誰為後來  
者。

懷王揖山

相見已恨晚。相別何太速。攜來新樂章。閒倚北窓  
讀。

秋水自註。揖山為亡妹成啓魯之妻。作  
孝婦詞。仿廬江小史焦仲卿作奇絕。

懷朝鼎姪孫

省親歸去來。蕭條歲云暮。不知囊底詩。盡得江山

助。

秋水自註。朝鼎之父維垣。為鎮遠令。朝鼎觀省。得詩一卷。有句云。路因經。慣翻疑。近山為看多。不記名。洵佳句也。

舟中作

長風送飛帆。孤月逐流水。閒客一宵吟。輕舟百餘里。

月夜攜竹兒游川上懷耿崑圃

川上明月來。悠然乘興往。攜兒任天真。遇物成幽賞。

秋水自註。竹兒作云。坐石聽泉響。夜中風月涼。相思人。不見清露濕衣裳。

法慶寺對雨

纖纖涼雨打窻紗。坐對高僧偶試茶。遙憶石橋秋水畔。西風開遍白蓮花。

贈敦待衛

下直歸來解鹿盧。蕭然興味似寒儒。秋天萬里風塵靜。閉向晴窻畫障圖。

張蟬谿曰。作者七絕。在唐賢中。最近大歷十才子。

漕河曲

六首選二

欲壓輕寒酌玉甌。揚帆已過古滄洲。迴風忽送銀  
箏響。楊柳青中到酒樓。  
海風吹雪亂紛紛。徹夜清吟入白雲。幾箇官船來  
遠浦。不知誰是謝將軍。

題竹坡姪小照

山縣清幽早放衙。松陰獨坐試新茶。問君詩思在  
何處。正憶錦江紅藕花。

別澹園

空林高詠到天明。鼓打樵樓報五更。修竹亦知離

別意。淒涼一夜和歌聲。

朱 淦 素堂浙江上虞人素堂詩州

樾山詩話素堂詩歛華就實不蔓不誠看極平常却煞費烹煉良由性情所近淡而能遠乃克臻此躑心人未易到也玉茗寒花淡中取艷霜林遠渚淺處見深吾於素堂舉似恰當

晚步姚園

忽。然。結。遐。想。狂。歌。出。門。走。伊。人。渺。何。處。夕。陽。澹。遠。  
岫。四。山。落。葉。飛。茲。園。寒。獨。秀。松。靜。雲。亦。閒。竹。疎。月。  
先。漏。嵐。翠。濕。當。窗。波。光。涼。浸。袖。境。幽。心。與。俱。坐。徧。  
莓。苔。皺。可。以。息。塵。慮。因。之。勵。清。守。

陳蘭莊曰起十字峻峭極合古

寄衣曲

一。聲。孤。雁。哀。萬。里。秋。風。惡。天。涯。骨。肉。踈。誰。憐。客。衣。  
薄。裁。取。機。上。素。為。郎。親。手。作。但。覺。刀。剪。寒。不。知。淚。  
珠。落。含。悲。密。密。縫。遠。情。憑。寄。託。敢。惜。妾。苦。辛。只。愁。  
郎。不。着。

釋竹軒曰刊落春華。挾取秋實酷似孟東野。

采蓮曲

紅。蓮。花。半。開。白。蓮。花。未。放。折。花。與。郎。看。貌。在。妾。之。  
上。但。是。妾。心。堅。不。比。花。心。蕩。

何春渚曰齊梁人小樂府無以過此。陳玉山曰貌在妾之上。與如何人不看。若若。蔡泮東曰節短韻長。熟讀漢魏詩方知其妙。

山行

着。屐。探。幽。境。何。辭。跋。步。艱。山。行。六。七。里。茅。屋。兩。三。  
間。流。水。自。深。淺。白。雲。時。往。還。相。逢。垂。釣。者。笑。我。未。  
能。閒。

西湖晚眺

一。鏡。涵。虛。翠。羣。山。入。暮。秋。天。空。星。欲。墮。水。定。月。仍。  
流。塔。影。雲。中。寺。簫。聲。花。外。樓。徘徊。殊。未。已。逸。趣。寄。

扁舟

九峰園  
亂紅初避眼空翠澹當樓石氣半為雨松風寒欲  
流橋平虹卧水天濶鶴橫秋不道繁華地清光此  
處留

句容早發

雞聲催客起驛火與燈殘歸夢杳何處空山正曉  
寒月扶人影瘦霜踏馬蹄乾飄泊竟如此孤鴻不  
忍看

晚泊虎邱

曾聞虎此踞霸業久銷磨劍氣昏斜日秋光澹綠  
波人歸花市晚月上酒船多小泊垂楊下羈愁可  
奈何

不寐

獨坐不成寐淒風又暮秋床低蟲到枕屋小月當  
頭涼夜一聲笛玉人何處樓平生不解飲也取酒  
澆愁

宿棲霞寺



殘鐘疎欲斷。眾籟寂無聞。一潭浴明月。四山眠白雲。松風吹雨過。花氣上衣薰。獨宿殊清絕。何從着俗氛。

新燕

又將千里意。來借一枝棲。舊巷春風早。空梁落日西。恩深懷故主。壘缺補新泥。偶爾尋芳去。花間對語低。

紅葉

楓林向晚簇朱華。如對芳菲望眼賒。斜照空山僧

倚寺荒煙野店客。停車幾番秋雨。仍春色。便是殘枝亦好花。一夜西風留不得。吳江吹落赤城霞。

高郵城外

獨步城西路不遐。偶尋幽逕覓烟霞。幾間茅屋扣門去。一箇漁船傍水斜。小飲只宜村店酒。好花多在野人家。半林殘照歸來晚。紅葉蕭蕭噪暮鴉。

程執齋曰。三四唐人閒適詩之佳者。非宋句也。劉平山曰。第六句與好詩多在山同妙。

吳園小飲

春光最好乍晴時。如此園林飲更宜。攜酒客來鶯

不避折花人去蝶猶隨板橋柳色新舍雨石洞泉  
聲細入池醉倚紅闌閑索句不禁高唱放船遲

儲玉琴曰

暮春即事

小園春老日遲遲。又是紅翻芍藥時。教僕去沽村  
店酒。邀朋來下石枰。棋幾番。燕子窻前語。一箇鶯  
兒花外窺。好景難留人易散。諸公不醉待何為。

折楊柳二首

欲折不堪折。柔條殊可憐。郎心繫不住。反去繫郎

船

春寒眉不展。秋老眼先枯。猶自江干望。征人歸也  
無。

莫愁湖

石城西去澹無邊。極目蒼茫水接天。湖裏波光湖  
外柳。春風一夜綠成煙。

抵京口

落篷剛是落潮初。小泊春江柳影疎。絕妙江南好  
風味。桃花時節賣鱖魚。

揚州訪張鶴暉不遇

露○白○葭○蒼○又○到○秋○每○探○消○息○一○停○舟○二○分○明○月○十○  
年○夢○人○在○揚○州○何○處○樓○

汪繹堂曰諸絕澹繡清  
冷品在樊川玉谿間

春○寒○自○不○思○烟○水○風○吹○沙○岸○自○古○干○望○五○人○朝○此

